

新安文獻志

五十三之六十一

甲

律詩五言 排律五言

絕句五言 雜體詩餘





新安文獻志卷五十三

甲集

律詩五言

題壁

許山人

隱居三十載築室南山巔靜夜翫明月閒朝飲碧泉樵人歌壟上谷鳥  
 戲巖前樂矣不知老都忘甲子年郡志云宣平歛人景雲中隱於城陽  
 杖醉歸獨吟所見之多不見惟壁有詩云云好事者題之於洛陽同華傳  
 舍間李白見之曰此仙人詩也乃自宣州遊新安累訪不遇題其菴云  
 我吟傳舍詩不訪真人居煙嶺迷高跡雲林隔太白窺庭但蕭索倚杖  
 空騎蹕應化天鶴歸當千載餘然此作不見太白集山中始逸詩邪○  
 羅鄂州曰州南數里有岸特高號浣沙阜隔溪對龍井山望城陽不遠  
 相傳李太白訪許宣平徘徊岸上甚久以白詩考之嘗稱金華五百灘  
 之勝而思為新安之游又嘗自河溪十六渡至黃山湯也下則吾土山  
 川勝槩願已寄於逸想其贈許宣平之詩沈汾述以為傳當不虛也

白雲溪

吳中舍

山徑入脩篁深林蔽日光夏雲生嶂遠瀑水引溪長秀跡逢甘勝清芬  
 坐轉涼遙看玉尊夕歸路賞前忘

晚眺

汪石曹



杖策倚柴門，泉聲隔岸聞。夕陽諸嶺出，晴雪萬山分。靜對豺狼窟，幽觀鹿豕羣。今宵寒月近，東北掃浮雲。

新秋獨夜寄戴叔倫

方玄英

遙夜獨不臥，寂寥庭戶中。河明五陵上，月滿九門東。萬里親朋散，故園滄海空。歸懷正南望，此夕起秋風。

送沛縣司馬丞

方玄英

舉酒一相觀，逢春聊盡歡。羈遊故交少，遠別後期難。路上野花生，雨中青草寒。悠悠兩鄉夢，小沛與長安。

早發洞庭

方玄英

長天接廣澤，二氣共含秋。舉目無平地，何心戀直鉤。孤鍾鳴大岸，片月落中流。却憶鴟夷子，當時此泛舟。

送姚合員外赴金州

方玄英

受詔從華省，開旗發帝州。野煙新驛曙，殘照古山秋。樹勢連巴没，江聲

入楚流。惟應行化後，吟句上雲樓。

旅次錢唐

方玄英

此處似鄉國，堪為朝夕吟。雲藏吳相廟，樹引越山禽。潮落海人散，鍾遲秋寺深。我來無舊識，誰見寂寥心。方虛谷曰：此詩中四句不書題。一吟即知其為錢唐也。

省試麥壟多秀色詩

汪極甫

南陌生岐穗，農家樂事多。騰畦交茂綠，苗實際清和。日布玲瓏影，風翻浩蕩波。來牟知帝力，含哺有衢歌。

寄披雲峯誠上人

曹山人

院高窮木盛，野極靜無言。險路通巖頂，香泉出石根。微風飄磬韻，幽鳥啄苔痕。常記相留夜，秋堂共聽猿。舒公雄曰：汝弼詩體致高遠。有王右丞孟處士之風。

贈披雲峯岳長老

曹山人

禪外掩松林，閒眠度歲陰。雨侵香篆澁，苔長屐痕深。水在銅瓶冷，雲歸玉磬沉。前山有靈藥，時策杖藜尋。方虛谷曰：此幽而有味。



黃山湯泉

凌待制

道出遙岑潺湲古到今雪天聲瀉五月夜影搖金歲早施功大民痾  
被澤深浮容與軒帝仙跡可追尋

已酉亂後寄常州使君姪

汪龍溪

汾水游仍遠瑤池宴未歸航遷新廟主矢及近臣衣胡馬窺天塹邊烽  
斷日畿百年淮海地回首復成非

春到花仍笑時危特自哀平城隆準去瓜步佛狸來地下皆充肉人間  
半劫灰只今衰淚眼那得向君開方虛谷曰此詩本老杜亦惟老杜  
有此等語賦哀江南皆知此意

過臨平二首

汪龍溪

一別九霄路風煙長蒲衣已成身老大無復世輕肥天闊鳥雙下山寒  
人獨歸曉來何似雨春水半巖扉

睡起涼生岸鈎簾坐小窻麥風能起柰梅雨不鳴江往事心長折歸途  
影自雙依然蒲柳地人老故先降

客懷

朱奉使

兵氣常時見客懷何日開形骸病自瘦鬢髮老相催已負秦庭哭終期  
漢節回風雷識我意一雨洗氛埃

戰伐

朱奉使

戰伐何年定悲愁是處同黃雲縈晚塞白露下秋空魚躍深波月鳥啼  
落葉風誰知渡江夢一夜繞行宮

十七夜對月

朱奉使

病骨怯風露愁懷厭甲兵人居絕域夕月向此宵明輪久初經漢光分  
半隱城渾遲不肯下應識異鄉情元遺山曰人謂少章此詩似微升古  
塞外而未章尤為稟絕必有能辨者

春晚五言寄夢得

朱獻靖公

美景定可惜殘春尤不堪晚英餘燕蹴孰顆墜鶯含歲月逢雙鬢半涯  
栗一飢惟思對公瑾把酒話江南

夏夜極涼

朱逢年



素簡夕辭夜清風先戒秋稻深羣蛤吠草暗一螢流舌在殊無計心空  
尚有求按圖尋分野楚尾見吾州

尤溪縣

朱逢年

橋外茅茨好相過問酒錢李花今若此白髮自茫然落日雲千步春風  
雪一川明朝記來處石澗響澗澗

送祝澤之表兄還鄉

朱文公

首夏何來此清秋却復歸應緣心未快豈是世相違落日空書館涼風  
淨客衣功名須努力別淚莫頻揮

對月思故山夜景

朱文公

沉沉新秋夜涼月滿荆扉露泫凝餘彩川明澄素暉中林竹樹映疎星  
河漢稀此夕情無限故園何日歸

晚步

吳文肅公

水靜偏明眼山高不受塵晴沙棲白鳥野渡集歸人問字誰持酒行歌

有負新始娟孤月影獨覺向人新

弋陽道中

吳文肅公

積雨今朝霽東臯晚日紅人家深蔽樹野水闊浮空又客仍行役青春  
已過中嶺頭凝望處腸斷白雲東

此詩每

題大安壁

朱工侍

萬里同為客秋悲未易禁萍蓬鄉國夢松竹歲寒心霜葉青紅亂雲山  
紫翠深何時錦屏下樽酒話塵襟

煙波閣

朱工侍

小立煙波上江湖興未忘敗梧風舞葉寒菊露漙香自逐去雲斷愁隨  
流水長尊鱸秋正好飛棹訪滄浪

次韻劉通判岳陽樓見懷

羅鄂州

魚龍掀舞後渺莽記空庭地帶三苗闕山傳二女靈客懷尤水月詩筆  
妙丹青少作揚雄悔惟思草一經



東山小隱自况

程傳之

小隱東山下脩然遠市廛聽泉驚水箭掃徑惜苔錢病骨知將雨憂懷  
願有年丘園賁衰老束帛幾幾戈

通山縣寄朱元晦

汪監丞

碧洞環山麓高低滿百家途窮踈騎氣縣古聽鐘衙書倩雲中鴈歌煩  
水底蛙陽和不擇地陶分得春花

聞考亭先師之計時黨禁方嚴

程次卿

忽聞摧岱岳吾黨更何依斂枕看炊黍登樓送落暉祥麟傷史筆山鳥  
怪儒衣此道終難絕他年有是非

屯溪訪故人

程次卿

主人溪上宅烏几屢曾憑山直西南向田分上下層池鮮烹錦鯉培果  
致青菱此去重陽近遙岑共一登

清化寓居

王雙溪

委巷何深僻僑居大寂寥古墻行絡石喬木上凌霄賦就貧難逐詩成  
隱莫招固窮吾誓事心地且消搖

方壺別墅

王太初

面面軒窗好溪山不待招清風脩竹徑細雨綠荷橋地僻人煙少天恢  
景象饒襟懷無一事終老樂簞瓢

次韻晚春夾溪閒行

王康範

出郭知春晚陰陰綠浦川小橋橫桎杙斜柳拂淪連風急低雙燕林幽  
矇一鷓醅醖破香菜孤絕殿羣妍

重陽

方秋崖

古岸維舟夜蕭蕭秋葉丹野煙連竹暗江雨灑燈寒亦喜重陽健誰知  
行路難吾親應念我更把菊袍看

道中連雨

方秋崖

老屋村春急歸鷓半暝煙斷崖留宿雨野水沒春田昨夢山須記幽情



鳥不傳也知晴更好草木已爭妍  
塵蝕貂裘敝吾生奈爾何雷聲春蟄怒山意暮寒多窮不彈長鈇歸應  
負短策自知機事淺或可共鷗波

寄魯山兄

方秋崖

搖落山城暮行行返照邊亂蟬鳴古柳獨鷓下遙川秋事無多日寒花  
又一年故應深夜雨重憶對牀眠西不暇唐自成一

雨中見花

趙吟嘯

細雨斂輕塵枝間態度新春疑天雨寶寒怯地鋪桐葉底含羞女闌邊  
倚醉人休將脂粉澆一一是天真

悼鶴

趙吟嘯

乘化歸遼海雙籠一不開墜翎留片雪遺跡印荒苔月朗憐孤唳琴閒  
憶共來瘞銘為琢石雞鶩不須猜

藍溪道中

趙吟嘯

綠筠雨初歇清和日正長乳禽穿薄霧弱蔓上頽墻村市筍厨美田家  
麩餌香老翁扶杖出小立看移秧劉后村云趙君詩五七言亦宗

晚霽

錢融堂

斑駁天穿漏驚奔浪疊空山留宿雨碧雲受夕陽紅蠶麥關時務鶯花  
怯老翁乾坤方寸地今古一絲風

白際嶺下即目

汪秀山

白際摩天秀秋光滿蓼汀山呈金字面田畫井文形夜出螢相照更闌  
雞可聽杉松柯不改點染四時青

秋晚懷友

程南窻

長亭一尊酒猶記別時斟碧草思前夢黃花見此心關河秋北望天地  
日西沉遙想山中桂何人月下吟

雨晴

程南窻

溪雨生流水山晴出白雲花來風逐逐泥遣燕紛紛客路猶千里春光



已一分歸從都下者相遇說新聞

春望

春事今如此憑高興未闌半簾疎雨過一院落花閒草色迷幽徑禽聲出晚山東風能育物不改鬢毛斑

讀史

南北幾離合江山一古今秋風駢臥棘春雨燕巢林家國興亡夢英雄勝敗心九疑呼不起愁絕暮雲深

吳越歸秋晚

吳古梅

湖海歸來晚園荒菊幾叢秋山吟骨瘦霜葉醉顏紅弔影寒溪上懷人落月中青燈滋味永不用哭途窮

非荷作

山家

吳友梅

誅茅傍翠微生理儘豐肥引泉入開池疊石圍春常生酒甕塵不

上衰衣了自無榮辱從何較是非

金陵鳳凰臺

汪紫巖

龍虎勢稱雄鳳凰臺望濃潮翻江漢轉地扼楚淮衝平野頻烽火孤城十棊種丹楹傍蕭寺塵床識高宗

稼稿

汪紫巖

稼稿病多雨蒞菁種待晴壘空驚燕去池淨襯鷗明野碓鳴秋杵風簷響夜箏山中涼意早蚊蚋已無聲

行都餞歲

孫良山

插架餘殘曆挑燈憶故鄉年光蛇卦壑羈騎鴈隨陽禁闕迎儺鼓隣街祭竈香英雄須自力容易鬢毛蒼

臨安錢武肅廟

孫良山

吳越歸旗纛風雲初鼓鼙錦蒙山樹遍弩射海潮低龍鳳城葱鬱牛羊暮慘悽古祠存故里秋草蕪東西



倦客

倦客江湖返書生賦畝思古來惟卽墨世上幾仇池八表煙靈隔三春  
草木衰交游消息斷存沒杳難知

孫良山

和元京兄賦蘋花

春觀物眼紅紫厭續紛此水浮明玉何人剪白雲惠風游漢女吉日  
禮湘君地僻應無是留花混藻芹

孫爽山

兵後績溪道中

古道緣流水寒郊帶斷煙稀踈鷗種麥羞澀女耕田人事休兵後秋懷  
落木前小蘇遺翰墨今古一山川虛谷云休兵落木之句非近人晚進所能到

孫爽山

陳監丞用韻見贈亦和以謝

肅肅東方老依人可計年名言傾蓋後古意結繩前君戶仍多轍子琴  
故一絃不應昌歎味置在衆者先

孫爽山

九日呈戴兄

孫爽山

一別三十載而今近講堂蕭條同甲子強健又重陽更菊數盃酒煙雲  
千仞岡偶然爲此夢寧復次公狂虛谷云類

秋懷

汪古逸

劇暑逢添閨微涼忽值秋年爭飛鳥疾雲共此生浮多難仍懷古他鄉  
獨倚樓可能天下慮政有一身憂

香巖院

汪古逸

拳確疲幽徑扶持仗瘦筇斷崖何處路細雨隔山鐘猿竊垂簾果僧樵  
臥澗松人言深僻處別更有靈蹤

溪村

滕星崖

獨步溪村午時時一一家綠波浮錦鴨翠草點黃花釣石臨溪古連山  
繞徑斜幽人吟未極西日散平沙

陸君實哀輓

方虛谷

亘古無斯事于今有若人龍綃同把手鮫室共沉身蹈海言能踐憂天



志不伸曾微一杯土魚腹瘞君臣

晚望許墅

方虛谷

太湖晚山雨白鳥去冥冥古塚多無後荒祠或有靈異峯攬石骨遠樹聳人形兵革已甦息廢田蒲稗青

初夏二首

方虛谷

近午初微暑侵晨尚薄寒暗窻蠶績響危棟燕泥乾問價纖絺貴尋盟舊扇完野人言麥熟出郭好同看

茂密踰千樹深幽僅一家新蟬初脫殼稚菊始分桮潤氣青陰石晴光白濕沙晚涼督園叟添竹引籬瓜

江漲

方虛谷

暑雪西南下愁霖日夜傾高城人避水古廟更祈晴沙鳥依庭宿漁船入市行老夫隱几意可但憫吾生

答陳壽翁

曹弘齋

共此松蘿蔭寒予萍梗身幾年傳妙句今日見斯人拔俗典刑老藏山文字新定交如擇主貞子倘周臣

伍子胥廟

鮑子壽

百世子胥廟猶存寂寞中鞭屍生快怨扶眼死遺忠故國古今夢怒濤朝夕風登臨一長笑斜日海門紅

送程君雋學正歸潯陽

程文憲公

五老催歸客天寒道路長殘冬涉易水幾日到潯陽學見吾宗盛身隨聖道昌未應嗟晚達松菊近柴桑趙園虞氏曰雪

鳳凰臺

趙可齋

祇有高臺在鳳兮何所之瑞存吳國志妙是李侯詩江勢連天闊雲陰過檻遲徘徊空睇竚安得見來儀

秋行

葉梅嶠

秋晚天風勁寒雲着翠微松鬚霜後老菜甲雨中肥雙鷺忽飛下一僧



何處歸野翁無世慮對境更忘機虛谷批此云絕妙

憩昭孝菴

結得精廬小中涵不盡清竹穿墻罅出草蒲瓦溝生聞鵲有佳意對蟬無殺聲只來聞半日多少道人情

朱松所

茗溪晚泊

一笑茗溪上微茫駐日曛鷺沙行个字魚水呷圓紋晚色三家市秋容幾樹雲行藏知有分莫誦北山文

程斗山

登曬臺

曬臺臺上載酒共躋蹙竟日何妨醉看雲終是閒千絲平岸柳一髮別州山頗亦關鄉念春深未得還方虛谷曰斗山筆力勁健無近人綺靡風

程斗山

九日攜長兒登譙樓

火後青山近風前烏帽斜清溪迴晚棹古木認吾家斷飲更空紫禁寒菊未花憑虛雲滿袖一一數歸鴉

唐筠軒

節令欺人老親朋鳥散餘獨攜靈壽杖誤讀褚公書木落秋容出沙寒鴈影初扶持有兒子白髮喜相如

次韻程以文黃山星橋未章屬仲安

唐筠軒

今日題橋者燕山耐朔風寄書逢驛使詢路介樵翁村酒添泉白林曛曬屋紅浮丘不可見笙鶴度崆峒悠悠俯雲影浩浩吹天風解珮此溪女負笈何處翁焙出茶芽紫叉來魚眼紅山家慣延客何必羨崆峒

蒼頭初得小犬

唐筠軒

稚犬從何得蒼頭買近隣畏寒初離母學吠稍驚人警盜期猶遠分餐喚易頻因知推良象併感諫獒臣

舟中即事

胡存菴

江白元無月山涼總是秋何人許分席中夜尚行舟沙鳥鳴煙際天河下水頭平生得奇觀大半在滄洲



雷塘

雷塘千載恨弔古重悽然歌舞神州破巡遊霸業偏愁雲迷古墓寒月照荒田楊柳隋堤綠年年繫客船

汪稱隱

思歸

記得秋吟下披蓑坐釣磯竹風敲石磴梅月印柴扉回首雲千疊歸心電一飛郊墟秋色老江上憶魚肥

汪石田

題汪古逸詩集後

汪文節公

飲有清吟士篇題古逸民雲沙方自貴珠玉不取貧桂樹歌招隱桃源亂避秦山川以形勝名姓豈沉淪

西湖春晚

汪尚志

四載西湖別三春南浦邊鷺歸林色破鳧沒水痕圓坐潤雲生席迴遲風逆船同遊又同約隔日卜晴天

齊雲巖

汪尚志

度迥復登危依山一徑微洞寒龍正蟄崖暝鶴初歸採水雲生屐扞蘿露濕木層巖去天近織女夜鳴機

次韻方叔高

程黥南

玉堂今夜雪偏照小窻明夢繞三江水愁連百雉城寄書防未達投筆自憐生分作升堂拜無違同舍盟

回溪道中

程黥南

客路三尺雪如行瓊田中煙火闕墟落乾坤見清空晃朗川上日飄蕭林際風南山有猛虎思欲控瑤弓

鮑仲安南軒

此詩載鮑中近世誤傳為鮑德之作

程黥南

遠客冬歸日南軒晚眺時山依黃帝井地接紫陽祠古刹留唐畫遺軒失晉碑桑籃與金釧先澤少人知本注云二物鮑氏先世所藏

山家引泉

呂安貞

空巖架脩竹高下勢相連懶汲門前水遙通屋後泉鮮痕流石山翠



入厨煙飲我塵中客心清若露蟬

紫極宮用劉曉窻韻

蔣雲巖

塵外逢仙客丹房笑語新藥靈砂戀母松老茯苓成人孤鶴籠飛羽雙龍  
巨怒鱗老君元不老亦有鬢如銀

晚立

蔣雲巖

白鷺飛來急人家水蒲塘客懷多潦草春事到農桑風雨連今夕山川  
非故鄉牧童吹籜葉音韻亦悠揚

和羅松岡山居韻

蔣雲巖

我愛山居好楓林紅似花鶴能陪坐客犬不離貧家吟借敲冰紙閑分  
煮雪茶村深民俗古同爨及總麻

次蘭坡弟見寄韻

蔣雲巖

不是無兄弟君能同急難性無其釜迫夢入草池寬漸老猶構硯相思  
怕倚闌寄來書一紙反復幾回看

觀潮

汪以質

會蒐鞭海蜃怒氣捲風埃浪滾晴天雪聲轟午夜雷吳兒爭岸捷商舶  
駕空來江靜三山暝憑高首屢回

經故郊臺

汪以質

厭煩尋路僻偶爾入荒村古禮存遺跡圓丘儼至尊松風悲閨寂江月  
照黃昏餘恨無今古行人欲斷魂

次韻李毓之憲郎

程正齋

佳遊白石巖飲馬百花潭道路經蒼莽衣裾濕翠藍雨餘春水活煙暝  
暮林慚獨有弦歌化時聞奏雅南

曉渡栢溪策應海東之萬戶

吳克敏

睡起東窓白蕭蕭戰馬鳴旌旗開宿霧鼓角送殘更是處煙塵暗何待  
宇宙清此行須努力奏凱入山城

泊舟黃鶴樓下與伯京先生別

吳克敏



登高賦鸚鵡不放酒盃停城入漢江黑樓吞荆樹青乾坤事爭戰南北  
感漂零去路萬餘里明朝過洞庭

忠勤樓諸老夜直予時守省作詩二章寄之 汪朝宗

西掖延秋爽高樓倚太清玉繩當座轉銀漢近人明上相思經濟諸公  
任老成不知前席夜會語及蒼生

耿耿衆星白漫漫長夜寒萬方猶事武一榻豈容安零露沾琴席高梧  
下井闌未懷何以託詩罷動倚蘭

送院判俞子茂進兵番易 汪朝宗

江東風日晴把酒送君行好慰三千士將收七十城煙花催疊鼓雲騎  
擁連營山越人爭喜殊方自此清

送黎蘭谷遊永州 詹承旨

舟子開帆日天風吹雪時關河歲將晏荆楚客何之水接三苗國雲迷  
二女祠經過逢北鴈應有寄來詩

寄方壺道人

詹承旨

海上神仙館天邊處土星臥雲歌酒德對雨注茶經石洞龍嘘氣松巢  
鶴墜翎都將金玉句一一寫空青

觀輿圖有感五首

趙東山

朝雨茅茨濕披圖嘆禹功山河一掌上宇宙九疇中水性惟趨下民生  
本易窮胼胝豈無事大智與天通

四履應難辨三河尚可尋功推城濮雋澤想召陵深問鼎猶懷惡投龜  
肯易心向無微管嘆孰憶到于今

轍已還諸夏居猶憶九夷難求伐木處尚想饋豚時夾谷真成誇中干  
不易知惟存刪述事赫赫起周衰

皓首陳王道時君孰可當艱難思稷契容易託齊梁越豈資冠冕秦方  
用虎狼空聞歸大老不復見鷹揚

雒邑空南渡東都亦北轅已符前五閨空憶後三元分合巧相似短長



難等倫女真如拓跋一統世中原世謂漢唐宋為後三代

和唐宰山行

汪環谷

山縣千峯疊閭雜嶮夷雨香魚撥刺風軟燕羞池郭外耕夫耦桑中稚子嬉絃歌聲教遠民俗變澆漓

寄仲觀弟

汪容峯

雨作晚天黑衡茅獨坐時雷車隨電發螢火上窻遲虛室寂無我至言當告誰恒陽寒氣早那得不相思

過浪陽峽

鄭樗菴

清絕浪陽峽秋過客思驚風篁疑列戟煙樹似屯營水毒人多瘴山輝石有英峒徭何日息猶自滯官兵

連江舟行

鄭樗菴

蓬窗觀物化幽興亦無涯翠條抽黃籜青林蔓白花蝸涎光暗石虫蛻聚浮槎小憩對崖瀑清風試煮茶程黜南曰彥昭詩蓋蝦蟆平格高律熟而入於精蝦

雪夜讀杜詩

朱子範

十年鄉國亂幾卷杜陵詩閉戶挑燈夜深山積雪時紫陽誇入蜀雙井喜居雙岐路終何適吾將有所思張外史伯雨云朱子範詩有虞揭遺響

宿羊舌城

朱子範

舒蓼皆侯國春秋用甲兵晚炊投野店日落弔荒城古渡漁燈滅陰房鬼火明愁來不成寐欹枕對鷄鳴

過太湖

唐白雲

向晚推蓬望羣山隱約青篙工排蟻勢野飯雜魚腥水闊疑無地天低剩見星吳音相爾女聊復慰飄零

送楊曾之浙東

唐白雲

佳麗金陵地蕭然爾獨居門無私客謁座有諫官書清切登臺久光華入幙初浙東勞遠役民瘼問何如

題景德鎮東山寺

程德堅



招提在何許緩步更高登行盡石頭路適逢林下僧巖泉飛瀑布寶刹  
聳觚稜掃壁題詩處重遊記昔曾

懷趙四知己

任本立

久客滯南閩招尋賴故人孤琴清水月一劍舊風塵樹色愁看暮鳥聲  
醉度春清音亭下路看竹莫辭貧

虹

舒道原

蟬竦東方見光分五彩殊彎弓射地軸懸玦示寰區變見陰陽理昭回  
山水隅環天萬丈勢收斂在須臾

秋日

吳石溪

覽物悲搖落傷時厭亂離二毛潘岳賦三峽杜陵詩壁潤蝸行字窳  
蟾吐絲物情還自適入事苦難期

夜坐

吳石溪

歲月來無限詩書妙不傳徒勞充棟宇已是昧蹄筌歷歷千年上悠悠

百聖前青燈最知我相對兩悠然

晚步

程明遠

晚來絃誦輟楮杖步村墟川水從橫出人家高下居草生侵徑狹葉發  
補林疎不覺歸途暝行天月一梳

春園

程明遠

鶯聲如喚客散策步林隈感物知春意題詩試老才土崩鞭笞出石觸  
樹根回籍地坐來久襟裳濕翠苔

蟹陽書院

梅州同知績溪程燧所立燧台州錄判相之子宋丞相元鳳從曾孫

余舜欽

猶憶升平日頻來錄判村竹林連古巷文字見諸孫壯觀三槐業清幽  
獨樂園悽然遭喪亂相對兩忘言

次韻方希直教授二首

鄭居貞

闕下知名久相逢值暮春才華曾動主論議每過人漢水元通蜀公山  
亦近閩何時江海上尊酒話西秦



爲問天台客何時別草堂千巖空劍氣萬卷有虹光爲政慚吾拙搗辭  
屬三良方思歌伐木深負詠甘棠

秋日書懷

胡翠屏

江海投荒久山林引興長題詩楓葉下把酒菊花香嵐翠山沾雨林紅  
葉受霜塵纓須一濯無處覓滄浪

晚步

唐伯和

晚步東郊外平林日已收豆苗和草綠羊葉壅泥稠牧子爭歸蹠田翁  
不裹頭但言夫事急邊報幾時休

魯港

唐梧岡

魯港停舟處相逢故老談河魚時潑刺江燕又呢喃帶雨張帆腹臨風  
拂劍鐔百年董狐筆憤死木綿菴

送祭酒李先生致仕歸安成二首

楊刑書

白髮老司成精忠當代名一朝謝官去六館清風生諸士懷宿德斯文

仰耆英東門不得送悵望有餘情

祭酒辭榮祿諸生爲乞恩人心古難結師道今逾尊德愛不可泯文  
名寧獨存清風高萬古能使薄夫敦

酬蘇景元

汪思敬

遠市幽棲處高閑寄野情雨苔粘履齒風竹亂書聲鳥逐雲歸樹花迎  
日上楹知君愛靜逸心已薄浮名

江樓晚眺懷姑蘇朱孝常

蘇景元

殊鄉嘆行役登覽亦淒其落日家千里故人天一涯渚煙漁父艇江樹  
水由祠遠道交游少憑誰寄所思

春日富春山中

蘇景元

鳥啼煙樹春風暖墮遊塵割蜜蜂隨甕移花蝶趁人閑邀隣叟話坐愛  
野苔新山蕨鮮堪煮吟餘自拾薪

嚴州晚泊

汪希茂



東館維舟日微風浪乍生  
渚雲低斷岸煙柳暗孤城  
僮僕沽村酒舟人話水程  
故鄉飛鳥外翹首不勝情

題吳思顯靜齋

孫士揮

世路多喧雜書齋靜處安  
半窗松影淨一徑菊花寒  
把筆聞啼鳥看山獨倚闌  
寸心無外慕何處恐驚湍

新安文獻志卷五十三

甲集

新安文獻志卷五十四

甲集

律詩七言

題睦州郡中千峯榭

方玄英

豈知平地似天台朱戶深沉別徑開  
曳纓露蟬穿樹去斜行沙鳥向池來  
窻中早月當琴榻牆上秋山入酒盃  
何事此中如世外應緣羊祜是仙才

唐音注雄飛詩有警句孫洽齋之云其秀也仙藥於常華其鳴也靈龜於衆響

贈錢塘湖上唐處士

方玄英

我愛君家似洞庭衝灣潑岸夜濤聲  
蟾蜍影裏清吟苦舴艋舟中白髮生  
常共酒盃為伴侶復聞紗帽見公卿  
莫言舉世無知己自有孤雲識此情

揚亭言事

方玄英

重疊山前對酒樽騰騰兀兀度朝昏  
平明踈磬白雪寺遙夜孤砧紅葉村  
去鳥豈知煙樹遠驚魚應覺露荷翻  
旅人寄食逢黃菊每見北辰思故園

環溪亭為睦州守呂郎中賦

方玄英



為是仙才登望處風光便似武陵春  
閒花半落猶迷蝶白鳥雙飛不避人  
樹影與餘侵枕簟荷香坐又着  
衣巾暫來此地非多日明主那容借寇恂

答楊劉二內翰見寄之作

舒館直

清貴無過近侍臣多情猶憶舊交親  
金蓮燭下裁詩句麟角峯前寄隱淪  
和氣忽飄燕谷暖好風隨起謝庭春  
緘藏便是山家寶留與兒孫世不貧  
揚大年詩云綠髮即潛不記年却尋卅龜味靈華陰學霧還咸市彭澤橫琴豈要絃曉案祗因食沈渣夜難誰見弄潺湲須知吏隱金門客待乞

寄任從事

曹山人

才名宦況與誰傳士庶爭誇繼昔賢  
詩就楚蘭歌白雪器從賓府入紅蓮  
雲奇遣吏開山閣茶好留僧煮石泉  
宴罷沙堤步苔蘚小園輕筆似真仙  
朝尚白漆園終計自全真紫煙深處鸞雙舞朱籟成來鳥共伸若何雲朝見雞大可鹿潭忘姓劉人○按宋史舒推姑於榮官因舒州靈仙謝有勝跡請以職方員外掌觀事優游山水吟詠自樂時人美之

寄茅山友人

丘殿丞

鳴鳳相邀覽德輝松蘿從此與心違  
孤峯萬仞月正照古屋數間人未歸  
欲助唐虞開有道深慚巢許勸忘機  
明朝又引輕帆去紫木年年空自肥

送虔州通判周茂叔對移永州

程殿撰

移官遠過耒陽西好景重重合盡題  
永水自然勝瀘水語溪應不讓濂溪  
沙頭候吏瞻旗脚境上鄉人待馬蹄  
曾是忠賢流落處至今蘭芷尚萋萋

秦少游題郡中蓬萊閣次其韻

程殿撰

半天鍾鼓宴崢嶸早晚陰晴景旋生  
湖暖水香春載酒月寒雲白夜聞笙  
金鼇破海頭爭出玉鷺排煙陣自橫  
我是蓬萊東道主倚欄長占日初明

寄謝無逸

汪青溪

問訊江南謝康樂溪堂春木想扶疎  
高談何日看揮塵安步從來可當車  
但得丹霞訪龐老何須狗監薦相如  
新年更勵於陵操妻子同鋤五畝蔬

親素薇

次韻向君受感秋二首

汪龍溪

且欲相隨首着盤不須多問沐猴冠  
菊花有意浮盃酒桐葉無聲下井欄



千里江山漁笛晚十年燈火客擅寒男兒幾許功名事華髮催人不少寬

胡茗溪云夢澤此詩漁笛客擅一聯山谷詩也

向侯往笏意千里肯為俗彈頭上冠何日盛之青瑣闥妙語付以烏絲欄

日邊人去鴈行斷江上秋高楓葉寒向來叔度倘公是一見使我窮愁寬

方虛谷曰自山於續老杜之詩凡江西不皆得為此奇調汪彥章與呂居仁同輩行悉得傳授自後始盛行晚唐而高致絕焉

止戈堂為閩帥顯謨程公賦

汪龍溪

千里閩山騎飛天書趣解海邊圍異軍方逐蒼頭起元帥徐將白羽揮

翻就饒歌春舉酒收還烽火夜開扉向來萬事關兵氣都作風光坐上歸

桐江詩語云程進道紹興初帥閩中珍賦諸寇以武庫為止戈堂一時諸公題詠甚多彥章此詩最為絕唱

醉別李高侍郎

汪龍溪

疇昔追隨翰墨場功名今日愧劉郎英安合上凌煙閣巧諧曾遭偃月堂

雙槩又乘清夜去一尊聊發少年狂歸來却共燈花語騎省看成滿鏡霜

用韻招許主簿

程北山

風騷無復見黃初尚想應劉載後車病骨不知緣底瘦愁眉時得為君舒  
動人春色來隨燕入眼溪流靜見魚祗有此中多好句可來茅閣試憑虛

次韻鄭大夫半隱堂

程北山

脫屣歸來稅兩轡信知塵世有蕭閒幽亭似近郎官谷捷徑知非少室山  
歲月優游真得計風埃顛顛獨何顏園林日涉仍多趣坐看雲飛鳥倦還

張敏叔得請謝事欽仰高躅謹成口號

程北山

富貴紛紛有底難乘時如探橐中丸高人不啻曇華見晚節誰為趙璧完  
且喜芝蘭俱秀發不嫌松桂愈清寒他年側席思耆舊鑿鑿猶能一據鞍

題雲館二星集後

李任道編錄濟陽公文章與僕鄰製合為一集且以雲館二星名之僕何人也乃使與公抗

獨不慮公是非者紛紜於異日乎因作詩題於集後俾知吾心者不吾過也庚申六月丙辰江東朱弁書

朱奉使

絕域山川飽所經客逢歲晚任飄零詞源未得窺三峽使節何容比二星  
蘿葛施松慚弱質兼葭倚玉怪殊形齊名李杜吾安敢千載公言有汗青



元遺山曰清陽公謂宇文叔通叔通受官而少章以死自守和用叔通見  
比故此詩以不取齊名目託至于書年為庚申與爾江東未舟者蓋亦有  
深意

贈范直夫

朱獻靖公

將軍競病詩成處南浦春歸蘭玉叢漸減心情身老大久乖談笑路西東  
鄉關落日蒼茫外尊酒寒花寂歷中且與寓公同放曠浩歌相屬倚秋風  
蘇文公謂先公之喪奉遷于武夷寂歷山中之句嗚呼此豈其識邪

九日與客語慨然有廬山之興

朱逢年

九日黃花笑白頭分將牢落付林丘半川暝色聊憤夢別嶺秋聲旋寄愁  
江國經年成浪語匡廬入手是真休未能免俗須登陟祝元龍百尺樓

三山次潘靜之升書記韻

朱逢年

客路那知歲月長秋髯一笑苾芻房且傾徐逸聖賢酒不問陳登上下牀  
雲影翻空迷海嶠秋聲隨夢到江鄉明朝各聽船窗雨猶憶枯菴戰寺廊  
方虛谷曰逢年詩格高峭惜乎不多

送正字胡文

紹興九年應辰自正字外任同舍載酒外留題

行者今二十有二年應辰以流落之餘再入州府而正

汪文定公

先生高臥武夷巔一旦趨朝豈偶然報國自期如皎日歸田曾不待來年  
懷鈿共嘆揚雄老鞭馬今輸祖述先州府風流久寥落送行今復有詩篇

題樂天居士詩集後時謫居廬山

汪莊靖公

居士當年謫九江高懷往往寓篇章多言世上風波惡不似閒中氣味長  
千載聲名雖莫及一時蹤跡偶相望若容俗駕追遺矩待看南山結草堂

引年得請和答致政陳昭遠學士

朱文公

一氣無私物自榮放臣偏荷主恩寬方慚妄竊老夫號詎敢重簪博士冠  
身退未妨開養病年豐何幸暫偷安新篇似許參同社願刺仙舟上釣灘

自注云貴生鵬賦六鈞播物史記作大專

關千首宿夕空繁未覺清羸帶眼寬老去光華羨黨籍向來羞辱侍臣冠



極知此道無終古且喜閒身得暫安漢祚中天那可料明年太歲又君難  
自注云建隆庚申距今已未二百四十年矣嘗記年十歲時先君慨然顧  
語熹曰太祖受命至今百八十年矣嘆息久之銘佩先訓於今甲子又復  
此調而衰病謬以示兒輩為之盡然感涕云

和劉叔通懷游子蒙韻

朱文公

扣角聽君悲復悲壯心未已欲何之  
交游半落丘山外離別偏傷老大時  
尚喜淵潛容賈誼不須日飲教衰絲  
病餘我更無膠賴勉與同懷一賦詩  
自注云予素不識唐律和韻尤非所長年來追逐殊覺強于服乃令  
更為手寫此三誰都不知欲以何用晨起書罷欲記歲月方覺是庚甲開  
基節日此亦難逢之會感嘆久之

送邕州吳使君

羅鄂州

題輿纔赴日邊程便擁油幢鎮列城  
地望素高唐五管人才今似漢三明  
時清市駿非無意歲晏逢花好寄聲  
大學英名湖海氣此行持論要平平  
次韻楚覺先見贈

羅鄂州

奏事何能補帝聰流年早已付天公  
舊聞雙劍淪波底忽有三刀入夢中

首出詩文為我賀多慚憂樂與人同  
如君孝友天應報飛鶴那應久在籠

送楊文父還醴陵

程克菴

君家江西我江東相望雖遠聲氣同  
一行作吏湖湘上數面成親談笑中  
君思松竹行色動我困簿領蜚塵蒙  
他時登高倘有賦莫忘江頭回鴈峯

過分水嶺

程克菴

相與振衣千仞岡浩歌莫惜且徜徉  
風來闔徼不知遠山接吳天如許長  
來弊且將雲作壑囊羞猶可墨為莊  
眼明更向西南望依約家林傍夕陽

懷朱晦菴先生

汪柳塘

道在羲皇孰斷金至人出處合天心  
青山白雲有生路流水落花無足音  
世外太古日色靜洞中一片春風深  
自憐晚輩服膺久亦許杖履來相尋

閒居書懷

程傳之

灰却丹心剖棘藩市居寧覺市聲喧  
夢中幽趣官槐國塵外高蹤吏漆園  
懶取硯山供秘玩且對文塚奠陳言  
尋常恰類君平肆問卜時時有過門



和費樞密登下忠貞公墓

程端明

底用荒村訪野墳青編相對儼如存當年但識清談樂今日方知節槩尊  
千載腐儒空弔古幾章冷語自銷魂便當修力清河洛一洗新亭舊淚痕

遊翠眉用蘇黃門舊韻

汪康範

繁拂蛾眉兩月彎虛亭着與小三間吾翁先見如樗里此老遺思比峴山  
千仞遠峯和我瘦一庭芳草伴春閒登臨涕落當年事不見仙人玉雪顏

元張公純仁云康範詩  
典雅和平無晚宋氣習

和岳王廟壁上韻

和韻西一舍有菴曰東松紹興初岳鄂王提兵  
西上士卒秋毫無犯夜宿大門口外足不

敢一越限內嘗  
題是卷從題

呂左史

當年惟說岳家軍紀律森嚴孰與隣師過家家皆按堵功成處處可鑄珉  
威名千古更無敵詞翰數行俱絕塵擬取中原報明主亦勞餘刃到黃巾

陪吳總侍集硯山用趙端明送行韻

方秋崖

煙波畫出暮江天着我蘆花明月船官滿只稱前進士路貧休問小行年

一歸已後陶元亮衆論寧無班孟堅不負登臨重九約過江猶及菊花前

正月二十二夜迅雷大雨牛菴一巨松有物擎攫而上自本至末

爪痕宛然

方秋崖

蟄龍怒欲起春霆併挾髯虬上杳冥老色千雲鱗甲動蒼皮枯鬣爪痕腥  
物方神變誰能測山不高深亦有靈誰與護持詩墨在畧無風雨損吾亭

次韻武侯廟

汪世顯

武侯遺廟自丹青霸業銷磨但故城北魏中分盟血在南陽三顧夙心明  
君臣際會宜興漢吳蜀相資失借荆獨致辨香思祀典西山回首暮雲生

次韻朱塘

自序云淳祐二年春王正月朔丁巳許年卿過滕二子曰  
朱塘山深而靜荷花其間儼然曰是吾夢遊所也此誰以領山

遊朱塘山深而靜荷花其間儼然曰是吾夢遊所也此誰以領山

是先大夫拱而進曰先業也先家在此文公曰是宜為亭以領山

水于取幅紙吾為若書以告同志者共成之先大夫雅謹畏時如  
少四顧無楮筆則已異時為鈞志者以為恨常試與于遊乎遂如  
朱塘歸相與為詩秋八月亭成郡丞秘書郎書其扁曰  
翁亭滕子以詩來有留之者冬十月詩成月卿用韻亦賦

許山屋



遊子從來悲故鄉歸來襟袖芷蘭芳  
夢鬼飛去雲濤遠杖策閒行秋水光  
可是月中曾到此安知身後却餘香  
紫陽弟子多賢子卜築新亭是肯堂  
宣城倅館 吳慶坡

一年荒宿敬亭嵐世路如今亦頗諳  
鴉帶夕陽來舍北鴈傳秋信到江南  
王曾素志非溫飽毛義微名爲旨甘  
料得倚門凝望切東風何日擁歸驂  
春日 吳蘭皋

韶光大半去匆匆幾許幽情通不通  
燕未成家寒食雨人如中酒落花風  
一窻草逆濂溪老五畝園私涑水翁  
無賦招魂難獨笑且排春句答春工  
予嘗於何人卷中見左史公無說着梅花定說君之詢不知其竹洲後人也意王惺之刪朔扶疎二尺美止此矣此吳君過予嶺下出其寶則三四使豆粥非難爲帳下兒所責食人如中酒落花風者尚多也子其秘之毋秋摧坊

對燈詠感 吳蘭皋  
吟嬾瘦影伴孤燈兩鬢蕭然失舊青  
丹臺在尚堪論劍術骨凡何用泥丹經

平生蹤跡如春燕少日交游類曙星  
閒拂桐絲寫幽意洋洋不爲有人聽  
遣懷雜賦 孫良山

宇宙汗疎一布衣謀身畢竟是邪非  
能知道義立山重定看榮華草芥微  
世事悠悠胡蝶夢人情擾擾桔槔機  
英雄不是違流俗白雪陽春和自希  
春日武康遊望過孟東野故居 孫良山

殘靄初收半在沙一川芳草趁溪斜  
羣峯古意汪芒國廢地詩情正曜家  
天未淒迷浮野色柳邊駘蕩受春華  
更攜尊酒看脩竹不爲前坡得意花  
啟嘆 孫良山

救地扶天力不支猶爲落落怪男兒  
泥中龍逝江神駭波際鯨枯海若悲  
恨入煙雲連漢縣竟隨霜雪薄燕垂  
可憐傲兀南冠在吟盡關山勸絕詩  
金庭觀王右軍祠 孫爽山

罷郡歸來三畝宅化爲琳宇入層雲  
樓亡莫辨藏書地池在如親洗墨人  
特送憂勤規太傅不將恢復許中軍  
世間何物無漸盡英隼千秋萬古新



出越城舟行乙夜紆道以避過兵

孫爽山

擾擾紅巾起草間舊遊何地不捨殘歸囊薄有桃花米行路如經竹節灘  
戰馬東來橫殺氣扁舟北去解憂端曲肱便結須臾夢柳暗黔川把釣竿  
方虛谷曰長孫君嵩元京詩清勁若淡如其為人小孫君巖次畢予未之識忽袖詩訪于武林亦清勁若淡如其兄

南山

汪古逸

宣平隱處今始過煙霞城郭路幾何野渡誰浮夕陽艇空山尚響樵人歌  
石壇荒涼疊苔蘚谷鳥啁晰深松蘿何當更值買酒至一笑使我朱顏酡

冬至

汪古逸

草草歡娛共一觴葭灰昨夜照初陽民貧絕喜冬猶暖客倦翻嫌日漸長  
造化不停聊闔關人情自此隔炎涼欲占歲稔渾無雪兒詫晴雲曉色黃

聞笛

汪古逸

荒村大吠人猶行驚鳥亂啼山月明南隣擣碓適復罷何處吹笛秋更清  
疑含白龍堆外怨恨不黃鶴樓中聽螢飛露下百草濕倚風激烈思平生

東山曰古逸先生詩微婉  
酒勁亦時出於悲壯激烈

讀四明尊堯集

方虛谷

大道行天如日月羣兒簸弄竟何如自非青沈曾為學安得尊堯更有書  
義膽輪困千古在神州淪陷百年餘誣辭連像今俱已猶恐忠賢恨未祛

重遊鳳凰臺

方虛谷

重扶瘦影上荒臺萬里秋陰疑不開天地未休貔虎戰江山敢望鳳凰來  
是非易判元嘉事今古難逢太白才尊酒蘭珊詩思亂夕陽吹角不勝哀

溪閣呈陸太初

方虛谷

臨水看山日百迴等閒收拾有詩才老松於我幾年長啼鳥無名何處來  
病髮漸應彫翠葆衰蹤那復夢金臺鷓鴣未斂猶堪典聊挽秋花薦酒盃

贈郭澹溪

方虛谷

赫日燒空暘欲死詩來如向雪中看古壘出土銅聲盡明月浮空貝影寒  
江海豈無鷗作社頭顛安得鷗為冠會須棄置人間事同向秋風覓釣竿



初夏書事

方虛谷

平生萬事鳥飛空，綠鬢蒼顏俛仰中。醉若山頽無舊侶，坐如泥塑有新功。詩成不覺意移日，心定何煩扇引風。結網小蛛恣來往，忘機應亦識衰翁。

賢良阮公詩

次韻休寧程君圍來訪

君先公伯秋崖先生之文也。乙卯冬同飲於秋崖夜至。讀

方虛谷

秋崖健筆敵黃龍，替卷當年許望塵。十載江湖春鴈斷，萬山煙雨石羊新。餘生敢忘尊前話，先正曾同席上賓。今日相逢兩家子，可無努力繼前人。

賦歸

汪杏山

身到羸秦古塞垣，茫茫禹跡故皆存。近來粵客通南貨，舊日燕人祭北門。治極漢唐猶駁雜，功侔禹稷有根源。紀綱法度于何是，歸醉牀頭老瓦盆。

費王僉事可與自號濯纓亭主

曹弘齋

行行六馬轡如濡，襟佩雲從得範模。天下同知宗孔氏，江東今復見夷吾。

無邊秋色吟有瘦，有脚春陽道味腴。眼底新安至清水，不知聊可濯纓無。

平山

鮑子壽

平岡橫亘北城頭，一上青冥目數州。吳岫南從京口出，蜀江東赴海門流。香銷后土花如夢，煙鎖雷塘草亦愁。惟有依然淮泗水，年年吹浪到瓜洲。

松聲

鮑子壽

千丈森森磔石生，風來巖壑韻琮瑋。耳根一洗俗塵淨，木末時聞天籟鳴。洶洶銀濤朝拍岸，蕭蕭鐵馬夜還營。山中宰相殷勤聽，說與傍人笑絕纒。

夏日綠繞堂小酌

程和民

解組歸來得自如，畫長入靜草堂虛。壺中有酒且留客，囊裏無金不買書。林徑草深稀過馬，荷池水響不跳魚。妨賢尸祿吾何敢，一任侯門笑索居。

送王景開長官

程文憲公

楊柳陰陰燕子春，東風萬里動遊塵。遠將碧澗紅泉夢，文送青原白鷺人。



子在有才須遠器，吾衰無計乞閒身。南歸若見沙鷗伴，莫道遲回忘上隣。

吳山感興

汪昂甫

江湖清濁自天開，鴻鴈鳧鷖與往來。黃道星辰環太乙，紫雲宮殿隱蓬萊。瓊臺漸起纖兒嘆，玉笋初經阿母猜。九域圖書今一統，百年耆舊獨餘哀。

山回禁禦入雲長，無復陳兵翼兩箱。千石金鐘埋古道，萬年珠樹落秋霜。龍文又徙陽人聚，鳥篆誰堪軹道傍。百郡煙塵渾漠漠，一江波浪自茫茫。

化人宮室被層阿，碧瓦高低若湧波。翠石文章書日月，寶珠光燄燭山河。天花墜地香龍現，貝葉翻經白馬馱。誰謂一無超衆有，只今塵土重來過。

查德宇

榴已着花紅欲然，酒餘休更讀騷篇。絲書製後翻多事，沙患難來非少年。天滿四簷公葉外，詩生兩岸嫩涼邊。小風吹盡蘭干雨，留得斜陽在釣船。

答胡敬存

查德宇

相望荒煙竹樹村，無由觴詠寄微醺。天應只共古今月，人自難同上下雲。曉色又隨香樹遠，秋聲偏怯旅窻聞。老來欲述農桑譜，留與蘭臺志藝文。

題吳氏雙清道院雲山樓次韻

程孟敷

幾疊雲山護小樓，四圍芳樹碧煙浮。遠峯當戶偏宜雨，高木臨風獨耐秋。華表有時歸白鶴，函關拂曉度青牛。從龍自有諸公在，晦跡何妨老一丘。

題富山汪王廟

胡雲峯

虬髯人出鹿歸唐，多少英雄失故鄉。昔日六州曾捲土，此邦千載尚尊王。高陵夜雨鳴弓劍，原廟春風潔豆觴。燈火萬家元夕後，誰憐狐兔滿連昌。

落梅

程畏齋

臘後寒花始覺稠，又驚香玉曉來收。飛飛苦恨東風急，片片愁隨野水流。有客開尊移別樹，何人吹笛在高樓。方當桃李爭妍日，宜爾孤芳不肯留。

聽鄒雲雅鼓琴

王菟菴



鄒子相逢鬢已絲，援琴爲我蕩幽思。一源獨用神常王，萬籟俱鳴手不知。冰合忽將輕騎渡，天虛直共羽人期。盡除智巧靈機發，燭斷清寒坐轉危。

清明日病起不能出，漸喜勿藥。

唐筠軒

尚憶兒時矜節物，插花臨水弄扁舟。題詩多愛白塔寺，把酒還尋芳草洲。零落舊交時鳥散，蹉跎急景大江流。年過四十愁兼病，始悟人生萬事浮。

送汪謙父教諭長洲

唐筠軒

千里游吳今又歸，山中春近蕨芽肥。侯芭最擅諸生業，萊子空懸五色衣。清玉冰溪聊待價，追風天馬可容鞿。曾邀弄檝荷雲浦，不待清秋鴈影飛。

天平山

唐筠軒

天平山裏唐朝寺，蘋藻重來薦范公。夾道松陰常帶膜，傍巖池影祗涵空。石排甲士雲千竈，藤走文蛇地百弓。心與義田同不死，年年穰極舞秋風。

秋日山居自厚堂和韻

胡存菴

小廬高結翠微邊，面面晴嵐一灑然。鷗社相忘聊永日，鶴田雖少亦豐年。

推窗對竹何由俗，繞屋栽桃不爲仙。千古淵明是知己，眼中風物可斜川。

題雪景

胡存菴

奇絕楊家老契丹，解將白入草玄間。蹇驢退步迷橫約，野鶴尋巢誤別山。倚杖地連天共遠，呼舟吾與汝俱還。故林祗在江雲北，手拂生綃一解顏。

論詩次戴庭芳韻

胡存菴

大雅荆榛久見侵，黍離旣降可傷心。戲拈花草土何益，力探根源意自深。春水綠肥分衆派，秋風黃落表高林。何時話到忘言處，坐聽霜空猿嘯音。

平山堂

汪稱隱

西去休城十里餘，肯堂新構故人居。門扉曉白天平入，屏障雲橫畫不如。日落秋風生几杖，雨晴空翠濕琴書。何須更說維揚勝，大好溪山照屋廬。

舟次嘉禾

洪杏庭

昨宵雨急爭過堰，今日風顛俱泊船。前途難料每若此，遊子相顧空凄然。挽弓翻勝一丁字，佩印何如二頃田。笠澤鱸魚洞庭橘，誰家酒樓新插天。



春晴行園

新歲以來晴日稀  
鵲聲忽報金烏飛  
煙光染深草色紺  
雪水融入花根肥  
懸弧在昔端有志  
抱甕如今甘息機  
多情蜂蝶想自得  
先我到此遊芳菲

洪杏庭

禹穴

司馬子長尋禹穴  
荒苔長闕越山腰  
龍蛇萬里連滄海  
鸞鳳千年下赤霄  
雲珮日珪文字古  
白銀青玉鬼神遙  
悠悠德業江河外  
蘋藻臨風恨寂寥

汪石田

客居

客子江臯草木長  
斷籬荒徑入牛羊  
沙頭戍鼓纏秋色  
樓外征帆送夕陽  
勝日襟懷愁自撥  
故園親友病誰強  
南州城下山騰笑  
多見餘生似漫郎

汪石田

閒居

門外溪山到亦慵  
窻前隙壤步苔封  
中藏花草春環堵  
仰視雲霄碧九重  
今雨不來從止酒  
古心誰會獨支筇  
平泉木石知何處  
踏雪飛鴻暫寄蹤

汪六節公

次楊稼韻

程縣南

地鑪火冷夜深深  
風雪殘燈伴苦吟  
歲似壑蛇遮更速  
事如蕉鹿杳難尋  
百年塵世須開口  
一酌貪泉可易心  
珍重關西楊伯起  
名成不受二毛侵

簡秋碧孔林管勾

程縣南

莫怪微官寄豆籩  
聖人宮廟喜周旋  
長林樹影風煙合  
壤壁書光日月懸  
文物一時推掌故  
世家千載重儒先  
殷勤好看壇前杏  
坐對春風理素絃

將赴旌德先寄劉明府粹中

程縣南

花落花開春已秋  
感時傷事自多愁  
蜃嘘海市浮人馬  
鵲架河橋度女牛  
湘水使還雲作伴  
石渠人老雪盈頭  
稍聞許邵持時論  
却喜虞卿老故丘

與蜀阜僧立同遊鑑湖

程縣南

盤石為堤護短籬  
畫船深鎖少人知  
垂楊着水青青發  
遠樹迎人旋旋移  
滿野農耕春事急  
隔林僧語日光遲  
晚風忽捲殘雲盡  
四面湖山翠掃眉

自述

方鑑泉

抱琴聊復問田廬  
野性偏宜水竹居  
茅屋春風三尺雪  
少年心事五車書



故家簪笏嗟猶在用世文章愧不如擬向清秋尋舊約海天空闊鴈行疎

吳氏春雨亭

吳長者寧之葵歛鳳凰山虞伯生學士作銘達兼善尚書篆額其子季實復作亭于墓之側以展孝思

周石泉

蕭蕭餘韻亭前樹灑灑芳原溪上村虛憶漢庭推長者難憑楚客賦招魂忠臣巨筆蛟龍奮太史文章虎豹蹲孝子此心渾未已百花香處濺啼痕

挽余廷心元帥

呂安貞

百戰殘民力已疲將軍未遣壯心違城依楚水無兵援目斷燕山有鴈飛但願斫頭成大節焉能屈膝解重圍睢陽死後舒州繼况是中原大布衣

上巳病目寄葉伯謙汪子敬

程仲江

病日昏花坐不禁他鄉節序倦招尋吾伊讀處聲相接不汝談邊意已深每覺文章真小技情知道德負初心洛濱楔飲遺風在何處登臨費百金

梅崖吳先生寄詩次韻

蔣雲巖

截蒲未肯効溫舒生意相關草木除鏡裏雪霜難諱老酒邊風月豈仇予

每因毋病占義卦不為家貧典漢書自笑平生談性命一圖猶未究潛虛

和可堂余先生池樓詩韻

蔣雲巖

浮生莫說四并難興入林泉萬慮寬象奕俞背同橋隱蟻築榮貴等槐安樓高人在空中語池近天從鏡裏看幾夜闌干吟弄處微風不動月團團

借韻寄太古王先生

蔣雲巖

故人相望隔燕齊恨不雲山一夜低別後雨蘋供采澗老來風絮損沾泥書言社稷何時上詩在松蘿到處題記得避炎山後屋殘更吟伴鬼神啼

題潛山雙廟

蔣雲巖

楓木陰濃日轉廊兩公心事寄睢陽生同歲月呼兄弟死有江淮奉帝王簡墨尚留肝膽在篆煙那敵姓名香後來人物如公少時事難言重可傷

釣臺次韻

俞水村

漢官威儀如舊日先生羊裘釣澤中東都名節從此始雲臺功烈何能同寒流殘照見天未危石脫木驚秋窮惜哉登臨迫行役負此千載桐江風



記先祖嘉議公遺事先祖諱懸為新安監郡有惠政卒葬于歙嘗歲早禱黃山及汪王祠而用又建康訪公署

及新陳塘寺以祈

仇松逸

歙州山水似桐鄉先子神遊歲月長烏府落成存舊相黃山遺愛說甘棠名題梵宇祈親壽文刻叢祠禱歲穰百世圖經公論在已聞名字入循良

送潘和仲南豐巡檢

胡石丘

潘郎不見已三年前北行吟行輩傳綠綬近懸都使印畫旗先擁上江船時平下馬還栽檄春暖收衙自注玄王伯莫論尊孟子辨香先為拜鄉賢鄭待制席上同劉伯温都事燕叔義憲史諸公賦承天觀東軒詩

吳克敏

孤客憑危正惘然江南春盡落花天海門黑送千艘雨城郭青炊萬竈煙燒藥金鑪猶伏火射潮鐵箭久離弦伍員白馬今何在幾度荒臺野鹿眠

吳克敏

自從銷瘦畏多饒懶上紅樓望翠巖九轉織成紅錦字幾番啼濕絳綃衫

次韻程子元望怨

嫁時羅帶同心結別後金釵十字緘安得化為橋上燕春來秋去逐征帆

客錢塘有懷東山趙子常

吳克敏

小閣疎簾畫影移憑闌多是獨吟時夕陽關樹高低畫殘雪江梅遠近詩潭底又聞龍劍化隴頭應怪鶴書遲何時鄉里歌塵散來傍清流理釣絲

聞朱隱君官賜號澄節處士

汪璜隱

北郭幽偏是鶴山一軒高臥白雲關先生道出羲皇上處士名標晉宋間尊俎風流無俗客琴書和樂足怡顏天邊一札驚猿鶴只恐公今未得閒

次韻寄汪彥貞

汪自明

五年一笑亂離過託跡林泉意若何花外不聞供奉曲山中時聽采薇歌枕雲漱石塵緣少弄月吟風逸興多稍待雨晴閒暇日會當扶策到巖阿

雜興

謝章甫

雲林得計促歸耕為圃為農了此生車存水深連夜雨採樵風亂隔林聲土宜菽粟勤芟草園有瓜蔬早架棚日永華胥驚夢破不堪羣唱午雞鳴



次韻汪德輔

謝章甫

庸人擾擾自紛爭，世事如棋乍落枰。  
莫破臨淄烹鄆子，偽遊雲夢墮陳平。  
誅秦感項亦何有，真楚假齊俱不成。  
一局始終都若是，老夫端坐看輸贏。

釣臺次韻

胡虛中

已幸六龍在天上，勇辭諫議歸山中。  
懦夫立志固有自，處士盜名元不同。  
雲寒山青巖瀨古，潮生鷗沒吳天窮。  
回思韓歆死直諫，客星始信真高風。

新安文獻志卷五十四

新安文獻志卷五十五上

甲集

律詩七言

過徽州別魏府尹

汪朝宗

與君攜手鳳池東，題遍春階芍藥紅。  
況復雲山千里別，豈知風雨一尊同。  
少陵老去憂多病，王粲年來喜事戎。  
二十五灘煙水急，幾時歸棹月明中。

使敎諭番禺

汪朝宗

五嶺蒼蒼劍插天，肩輿高下似乘船。  
殘年止有二十日，沽酒豈無三百錢。  
野碓暝春喧急水，山樵寒雨隔孤煙。  
祗慙將命恒馳逐，安得雄才配馮遷。

過河陰觀楚漢遺壘

汪朝宗

廣武山前望虎牢，淡煙衰草沒城皋。  
鴻溝豈限長江險，楚壘何如漢壁高。  
此日登臨悲鳥道，當時南北混鯨濤。  
河陰老樹森幢蓋，猶似鑿輿駐白旄。

康山觀兵

汪朝宗

樓船兩翼挾蒙艖，垂老觀兵膽亦雄。  
砲火震天飛霹靂，鋼風立海走虬龍。



重瞳首寄龍泉下獨眼屍歸馬革中戰罷神威猶震怒蒼涼落日負長虹  
登步雲樓 詹承旨

百尺丹梯接紫微層層金碧炫晴暉眼觀下界雲生足人語半天風滿衣  
酒醒客猶招鶴舞詩狂我欲跨鯨歸休將鐵笛吹清夜月滿闌干星斗稀  
送徐復初海道知事 詹承旨

東道樓船白粲多紫髯英氣有誰過礮車雲起天垂野颯毋風來雪湧波  
海上神仙見徐福關中父老識蕭何幕賓不盡長才用早晚微垣響佩珂  
秋夜書懷簡李希吉 詹承旨

江皋秋水明晚霞江城秋滿詩人家雙杵隔墻夜敲月一燈句壁寒生花  
烏鵲驚風繞紅樹紫蟹帶霜行白沙清虛之府入幽夢醒看河漢思乘槎  
題定子靜草堂 詹承旨

草堂正在匡廬山山陰綠玉相對閒雲從雙劍峯前下潮到小孤江上還  
茶煙滿室寫墨竹花雨一簾觀白鷗誰似南宮龍篆古為君高置軒窗  
趙東山

短話長言總勿疑相交動是隔年期坐來竹雨初晴夜看到松雲欲盡時  
雪後孤芳誰復惜空中靈響妙難思山花滿眼春將半莫厭從容步履遲  
贈曹元達子 趙東山

故人別我今幾秋見尔難禁雙淚流一家寄食悲南國千騎擁麾雄北州  
轉戰不知何處在相逢未擬此生休清門生理依諸舅長大廢書吾漫憂  
省朱文公官坑祖墓 趙東山

撥簇千峯一嶂開乾坤間氣此胚胎百靈受職環真宅五緯回光拱夜臺  
魯國共悲祠廟毀閩關不見子孫來于戈未息諸生老獨抱遺書詠七哀  
和先巨山翁登岳陽樓詩韻 汪素隱

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷

雕闌十二屹層空誰架危樓七宇中漫浪微蹤悲老馬登臨衰自羨歸鴻  
三江去棹飛晴雪二澤征帆挂晚風安得羽翰生兩臂回頭歷歷大江東  
楂山書堂 汪環谷



查山岡上長松樹曾見仙翁舊隱居種竹閒留雲作塢灌花斜引水通渠  
娛親壽酒朝開宴教子寒燈夜讀書回首風流陳跡冷摩挲殘墨淚沾裾

次韻寄來碩

江見山

林下三間屋當巢嶺雲溪雨送波濤夢回塵世風光別眼底秋山氣勢高  
千里關河思稅駕三年冰雪苦持旄知君不作鴟夷計長日焚香坐讀騷

次藥東德韻

程邦民

傷心世事淚潸潸已付餘生作等閒紙乳尚能持漢節雞鳴那得出秦關

黃花時候多新酒綠樹門庭是故山日夜思親頭盡白何人為賦大刀環

至正十九年天兵圍城城陷國儒以都事被執過黃河不  
屈安置天界寺以條自經為僧者竟免無何聞于仲  
志平儒之不願身者以有鏡代養也鏡已死二親  
事歲餘除共都太守其年政成生事被繫因述平生  
撫危而哭者謂摩羅堂有僧徒徐儒子某也

過方山近城田疇耕秋而有感

鄭榜卷

西峽渡舟朝水平遠道歸路一川流合處總入海山勢方時

綠野熙熙民樂土紅巾擾擾將偷生觀風問俗慚吾事深谷何時遂耦耕

次韻皆山樓韻

朱子範

試從此處登樓看天下新安山最多一塢迴環盤谷宅亂峯高下洞庭波

巖花逐點飛紅雨雲氣成羣散白鷺共說唧唧山水似未知歐老意如何

送張總管赴番易

朱子範

近聞使節向番易已報前軍到武昌好過黃州問蘇老曾遊赤壁訪周郎

一時人物皆陳跡三國英雄此戰場舉酒煩君醉江月匡廬秋色晚蒼蒼

程仲庸遊京口留金山

唐白雲

我正無心懶似雲那堪奔走污緇塵飛花岸柳偏留客吹浪江豚忽拜人

玉帶暫拋煩轉語襖袂曾寫悟前身異時好說金山寺小小漁舟喚渡頻

送鄭士恒往江西

唐白雲

洪都昔號殿西土畫省新開列上台鄭老每從工部飲烏公何待石生媒

斷雲將雨侵書幌明月隨風落酒盃山獠洞庭皆入貢海船日日候潮來



漁梁結屋

石梁之上姚家莊隔溪指點雲蒼蒼飛樓傑閣說華第翠竹老極惟我堂  
新豐雞犬歸未得韋曲桑麻如許長三間茅屋投老計攜兒擬拜龐公牀

符溪凱旋馬上作

俞子茂

夜來一雨洗囂塵陡覺江山氣象新巖谷已平蒼鼠穴溪橋喜見古梅春  
挈壺歡逐民連野策馬歸來雪滿身此地重過又三載謾留詩句託青珉  
雲陽時節新安俞公鎮木川之三年威惠孚洽四方諸寨以火削下  
鬪有日符溪者既服後反覆變詐百端終不可化公一  
今諸軍尊食聽命建二鼓乃指示所向方黎明至寨門外分  
悉擒之縛其渠魁計黨惡數十人餘平民附寨而居者縱遣  
犬悉令認辨給還民大悅爭持酒物來獻公又一無所取  
凡二日處置事定乃歸伴戲在前鉦鼓在後觀者羅拜舉手  
惡之冠一旦投首非公之才智未易了此公既還府賓佐咸  
學士十數人列燭張宴至夜分乃罷坐中口占馬上所得詩  
和至次日乃緝成卷僕忝預席未得以老病辭乃從兼賓之後  
曰溪橋石路不生成塵幕下初聞號令新士卒衝夜雪將軍  
春已橋渠惡從泉首未死云麼許乞身抱意已平威力著無  
抵又和曰城西車馬輕塵夾道咸瞻喜氣新第鼓開歸銀燭  
玉引凡眠意淺語神如老婦舞花枝不自覺醜然亦以調高韻  
難

必步如陽春白雪和者良寡僕故欲別作一卷請諸君各以  
行事亦得以鋪張盛大而無拘牽局促之患也

懷鄉友汪彥才

此詩誤刻林鴻鳴盛集中  
萬安公蘿竹休寧地名也

任本立

浮雲聚散幾悲歡久客懷安憶萬安門對西山朝氣爽城臨東海暮潮寒  
身隨斷鴈兼秋遠夢入疎砧向夜闌為問松蘿舊遊好別來風月共誰看

送舒從事還南海

任本立

老逢離別倍傷情一騎臨秋復遠行客路驚心孤鴈影家林入夢斷猿聲  
珠崖落日天低海銅柱雲寒雨過城翻憶舊遊多感慨獨嗟書劍誤儒生

丁酉冬與楊季成宿邑南田家夜次趙子常韻呈徐縣丞張總管

金元忠

擁被依爐話夜分山城更點喜初聞客裏茅舍青燈伴詩思秋空白鴈羣  
冷掾官曹聞似水將軍車從密如雲東湖孺子文章伯旦暮移尊獨向君

賦靜菴

吳季揚



收斂江湖萬里身歸來林下岸綸巾從前歲月方知謬自此光陰始是真  
止所常觀虛白室行邊不踏軟紅塵野人亦得煙霞趣布襪青鞋願卜隣

書師山先生所題黃山崖石後

鮑尚聚

蒼崖百尺與雲齊徵士重來為品題姓字一時通漢史文章千載並浯溪  
春深莫遣萋苔沒日暖應添紫翠迷猶憶匡廬當日事短檠山雨五更雞

和商山書院諸公韻

汪德懋

覆雨翻雲已十春恨無詩酒對芳晨秦強再世終歸漢周弱何人共成申  
邊境旋聞烽火息南風喜見稻花新為霖更得成豐歲願作陶唐擊壤民

過週流寺

王士積

雲埋殿閣週流寺春水衝撞復到山僧衲挂枝庭樹老禪牀指石洞雲間  
久無山鬼吹燈火時有淵龍護法壇我亦長歌來徙倚滿襟清思隔塵寰

洪武庚申五月四日

謹身殿災肆赦

范緝齋

金雞啣詔五明開

注洋遍九垓梁獄不羈天下士漢庭還繼世間才值巖嶺亮陰霖  
沛上英雄起草萊郡國想今寬賦斂乾坤和氣一時回

賀金彥晦遷居避暑

黃後圃

隔水移家不借車野航安穩載琴書青山歷歷迎人慣翠樹團團繞屋踈  
盤谷有誰爭子所斜川亦自愛吾廬行看花萼相輝映依舊運雲列第居

寄淳安徐大生

吳石溪

歛南山去一百里秋盡春來信不聞昔日登樓同聽雨今年幽谷飽看雲  
管寧豈是遼東客伯樂曾空異北羣安得俗塵長撥置挾書林下共朝曛

讀文丞相指南錄

吳石溪

素手殘棋豈易談一支大厦已難堪死灰無燄資炎上磁石貞心託指南  
閩粵九重天再闢燕雲一死志猶甘人間竊祿偷生者未抵南柯一夢酣

二

西北神州久陸沉東南王氣半淪陰諸公戀戀湖山樂此老拳拳社稷心



烈日秋霜存壯節海雲江月助行吟捐軀報國元無悔可是前朝俗化深

亂後述懷

吳漢臣

籃輿傲兀飽看山舊隱重來蕙帳寒囊重正綠詩草富益長那覺燭花殘  
悠悠今古知心少擾擾風塵會面難縱有故園春信在可憐無驪寄平安

上巳日苦雨寄汪彥暉

朱禮侍

三月三日苦泥濘春游無計令人愁雲低暮色近垂地風捲濤聲遙撼樓  
青天白日定何所急電轟雷方未休最憐桃李花開處雨橫風狂不自由

送李孟善御史謫戍遼東

詹宮保

丹堦分袂出長安疾貶遼東去路難金佩暫辭雙鳳闕玉驄應過九龍灘  
沙邊鴈度家音少嶺外猿啼戍月寒孤負十年窻下志挈書攜劍與誰看

紫陽觀席上作

曹果白

紫陽山中神仙家青山繞屋生煙霞枯林風過落黃葉寒菊雨餘開白花  
隻雞斗酒自可樂千駟萬鍾何足誇興闈攜手過橋去斜日稻田飛亂鴉

和唐胡明經詩韻二首

明經名昌翼本唐諸王孫避地婺源考水洲氏因從其姓雖舉明經義不仕梁終隱

于家

呂德昭

西出長安避戰塵誰知龍種異常人移根仙李雲霄遠奕葉倚蘭雨露新  
曠野驚弓無折羽滄溟脫網有遺鱗甘為商皓終辭漢不作燕丹久質秦

萬事榮枯夢一場百年歲月去堂堂鶴歸華表人寰真鹿走關中霸業亡  
保障未能依尹鐸宗支誰復認丹陽棄將軒冕身終隱博得山林興不忘

程普屯

在烏鎮吳將程普屯兵于此以應周瑜一日

瑞赤烏為

孫思傑

赤烏古鎮江之濱云是程普三軍屯羣鳥飛鳴祥瑞應二龍爭戰雌雄分  
天便東風旗鼓進火烈北船人馬焚只今過客悲前事目送寒鴉殘照昏

過南陽臥龍岡謁武侯廟

孫思傑

千古南陽草樹荒行人猶說臥龍岡國歸蜀主三分定才過曹丕十倍強  
羽扇綸巾勞想象木牛流馬恨遺忘英雄事業垂成日忍見營星墮夜光



雲溪萬松嶺程內翰墓

江養晦

內相遺蹤何處尋萬松青鎖鬱森森兩行翁仲標黃壤十丈穹碑倚翠岑  
雪案幾人燈火志冰巖千古歲寒心清風不斷雲溪上冠劍空遺草木深

和彥珍韻

程明遠

閒來遙憶隱君鄉門擁荒山帶夕陽蒼暈旋添蒼徑滑松陰時轉北窗涼  
高懷君軼朱仁軌疑性予慚顧長康何日相從陪夜話石鑪湯沸紫茸香

和松明火韻

程子元

蒼虬誰取赤心然女緯男經夜不眠處士謫居離絕壑大夫功滿上凌煙  
千年琥珀憑誰得一點靈光可自全不照綺羅筵上客分輝田舍及漁船

送方伯潤蘿山讀書

余子韶

一上蘿山數千仞學如九轉煉還丹且將圓木驚宵枕莫厭斷齏供晝飧  
松葉亂雲孤嶂暝杏花疎雨小窗寒樂羊莫起思家念更誤佳人機杼難

泗洲

鄭居貞

行盡淮東始見山孤城雉堞面層巒隋人龍堊餘荒苑漢將成功有廢壇  
落日波濤來洶湧高秋鼓角動悲酸北來倦客偏懷古對酒狂歌強自歡

題野航卷

邵思亘

楓葉荻花秋氣清扁舟不受波濤驚一聲棹歌日欲晚半榻竹影風初生  
幽人落落雲霄志小窗悠悠江漢情夜闌酒醒萬籟寂似向沙頭弄月明

見山堂

胡翠屏

家住龍山山下村誅茅上築傍雲根呼兒耕罷動書策對客哦成共酒尊  
紅雨過簾花結子綠雲垂地竹添孫靜觀自得悠然趣何用區區憶鹿門

洪氏節婦 姑婦孫媳孀者三

唐伯和

若行相聯世罕論弔生傷死倍銷魂百年貞節惟三婦半世孤孀在一門  
燈火絲麻終白髮憂愁風雨共黃昏不緣薦筆標名姓誰識洪家孝義村

赴

遼府紀善次諸公見贈韻

程彥亨

忠孝男兒合兩圖每回回首自踟躇



王來海上初開國親在江南火倚閭宣力可能勞汗馬報恩全未及慈烏  
曳裾終夜空長嘆似覺中心半負初

雨後

李本立

山中曉起喜新晴杖屨尋詩獨自行幾樹好花春盡發滿溪流水夜來生  
遊絲拂地應千尺啼鳥喚人時一聲趁暖田家曝蠶種朝朝節候是清明

和本大尹韻

俞樵雲

積雨彌漫漲遠天客意惟覺恨綿綿已添野色供春望更長難聲攪夜眠  
繞屋斷雲常黯黯投林歸鳥自翩翩漁郎罷釣繞相過為報新潮到石田

石耳山絕頂

游蘭仲

石耳山頭望大荒海門紅日上樽桑山連吳越雲濤洶水接荆揚地脉長  
春樹抹煙迷近遠晴虹分字入蒼茫蓬萊咫尺無由到獨立東風理鬢霜

東園即事

汪士晦

小圃臨山效采薇閒中足跡往來稀垣高柏畫花香穴地暖先春菜甲肥

流水壁間通石罅清風門外掃漁磯乾坤俛仰情何限孤鳥殘雲已倦飛

三松軒

序云昔陶靖節孤松在藍田喚二松社工部種四松秦  
寡不倫亦黃吳彬富成初一軒號三松豈欲酌其多寡而為之  
中制邪然古稱槐三木假山亦三率取徵其後之昌且賢也富成  
其祖

程叔春

冲霄龍骨雨苔斑鼎峙蒼然伯仲間勢傲雪霜堅晚節耻隨紅紫鬪芳顏  
王家德識槐當戶蘇氏名高木假山欲向主人詢藝譜清風蕭颯動柴關

湘活圖

方怡菴

湘中景物最清奇邂逅披圖愈遠思雲際蒼梧虞舜廟崖高渚水次山碑  
苔花蝕刻人爭寶竹淚成斑世共悲千里江山歸咫尺風光觸目總堪詩

酬贈參將張公惠劍

方怡菴

轅門大治藹祥光并鐵花鎔百鍊鋼虹見晴空歸七首蛟藏秋水鑄干將  
金環雪柄誇新製寶鞘絨條盡巧粧帶霧持來意何厚從教官道絕豺狼

歛學歲寒亭次宋蘇文定公韻

楊州書



幾樹蒼松倚翠屏小亭因得歲寒名月來遙見海蛟出風度靜聞天籟生  
飽歷冰霜心不改高隣庠序景逾清閒來獨據胡牀坐一曲陽春愧繼聲

送汪司倉燦赴官泉州

楊刑書

除書新領向閩中建業相逢話轉蓬別處一尊浮大白到時三歲理陳紅  
道傍荔熟香塵起海上風來瘴霧空遠大屬君君莫負舊家原近紫陽翁

求太守永嘉孫公寫梅正統甲子

程襄毅公

文采風流世所難更將春意發毫端平生自保冰霜操近日誰登翰墨壇  
肯許官曹臨鏡寫絕勝江路倚蓬看與公篤好無他意只為貞心奈歲寒

出巫峽寄宗伯姚大章同年景泰乙亥

程襄毅公

入峽猶登兩月程一灘過處一更生愁聞澗樹黃鸝語夢憶彤庭仗馬鳴  
險易只應堅素守行藏寧敢負同盟相思併入巴江水不盡滔滔萬里情

東巡回渡遼河

程襄毅公

夷部曾傳自契丹漢疆今已盡三韓喜功不話封侯易直道何憂行路難

塞上塵飛驚馬到斗南雲淨看鵬搏提兵再駐遼河上白草霜風歲又闌

南征過武昌成化丁亥

程襄毅公

月滿秋江霜滿天提兵夜上武昌船山川依舊環千里戰伐空餘史一編  
霸主賦詩雄異代仙人乘鶴去何年吟餘起視青萍劍一道晴虹貫斗邊

夜雨

趙文弼

黃昏燈火雨蕭蕭愁緒無端結未消方寸地寬留宇宙一枝巢穩借鷓鴣  
城頭鼓角驚殘夢江上風雷送遠潮蕩蕩恩波流四海深漸華萼白蕭條

滕王閣

吳以恭

一葉扁舟挂晚風崢嶸樓閣畫圖中天連彭蠡三湘碧日射匡廬五老紅  
壓座文章誰再續動人歌舞亦成空浦雲山雨仍朝暮撫景留題興不窮

賀張士峻造屋

吳以聲

舊家城市殿澆漓林下經營百世基山擁翠屏遙對牖泉鳴玉竇細通池  
春風座上常留客夜雨燈前自課兒從此鶴汀無限好杖藜來往更無期



秋吟得趣卷為藏溪汪彥度題

吳以聲

危亭翼翼碧溪濱每向秋來得趣真風露九霄清到骨水天一色淨無塵  
斜陽樵擔穿紅樹明月漁歌起白蘋何日重來同徙倚一尊還待菊花辰

題赤壁圖

汪以名

鯨吞蛟鬪決雌雄千里飛鯨一炬紅霸業盡歸煙燼裏江聲長在月明中  
峩峩赤壁涵朝日浩浩滄波颺晚風古往今來幾多恨披圖吟處思無窮

唐子華小景

汪以名

唐侯宰邑甚清閒公退揮毫便寫山共託聲名滿天下豈知圖畫遍人間  
雲連古木迷青嶂月照寒蘆漾碧灣殘墨斷縑誰解惜草堂披玩自怡顏

黃山

程文實

秀出層穹翠欲墮宿霧似蓬萊松檜陰壑生靈籟泉噴深潭吼怒雷  
峯頂煙銷丹竈冷崖前風暖碧桃開五雲深處羣仙集白鶴青鸞定往來

野興

汪思敬

澗壑穿幽路仄欹梅花關外水通陂背人好鳥啼深竹抱石驚猿過別枝  
雨歇黃流新漲急雲交青壁亂峯移釣絲不挂非熊夢一任長虹百尺垂

淮陰侯

汪思敬

許身良犬失能熊百戰功成亦自危智數如君難免戮英雄自古易生疑  
眞玉印在風雲散大將臺荒草樹悲莫恨當時蕭相國幾人回首見幾遲

壽藏為汪思敬題

蘇景元

植山風景似仙源流水桃花繞壽園固穴不燒銅作柳窮泉還鑿石為門  
誌銘鐫就留年月松柏栽成遺子孫誰謂賢愚同一致箇中別是一乾坤

寄書坊劉剡

蘇景元

女媧補後見神功千里相思寄便鴻斷簡殘編無日了清尊明月幾時同  
坐間有客常談項天上何人復薦雄一度登樓一惆悵小山秋冷桂叢

奉和尚書程公征南獻捷

蘇景元

鏡吹歌成紀武功一輪紅日照丹乘風雷震處狼山碎巢穴空時虎旅雄



九伐嘉謀今秉鉞七禽英畧再聞風  
南梟獍咸歸化從此無憂到

聖躬

掃腥羶似燎毛捷書頻奏  
詔頒褒漢兵總跨新降馬蠻血從殷舊戰

袍旗影夜翻瀘水淨劍光寒射雪山高當今

天子多神武況有元臣熟豹韜

環佩重來軒宋丞相程公元鳳居款槐塘有琴曰環佩亡去記又六世孫文實復購得之為軒以藏加扁重來一字

江伯珠

丞相宮牆何處尋老槐紆繞翠沉沉  
鈞衡已輔當時政環佩猶傳奕世音  
六葉喜聞歸舊物千鈞何足託遺金  
南薰古意人知少好在雲仍繼此心

萬山西爽軒望黃山


張惟達

奇峯六六競嶺嶂向曉憑欄最好看  
秀出楚吳千里迥翠摩星月九霄寒  
古潭雷迅蒼龍起仙洞雲深白鶴還  
何日捫蘿登絕頂擬從軒石覓金丹

蘿山清隱為王世祥題

孫士輝

小築茅堂傍翠微花畦蔬圃澹相宜  
看耕每到龐公宅對酒惟吟楚客詞  
春暖藥苗芽土阜天寒雞唱出林遲  
松風蘿月長如昨肯信功名費易絲





新安文獻志卷五十五下

排律五言

山中寄吳蟠十韻

方玄英

莫問終休否林中事已成盤飧憐火種歲計付刀耕  
擗水皆花氣聽松似雨聲書空翹足臥避嶮側身行  
果傍閒軒落蒲連濕岸生禪僧知見理妻子笑無名  
更擬教詩苦何曾待酒清石溪魚不大月樹鶻多驚  
砌下連樵路遠聞見懸城雲山任重疊難隔故交情

龜山上方

汪龍溪

度嶮逢幽處憑高鳥壯懷連甍樓絕壁孤塔表長淮  
地本吳封接山今禹跡階潮聲從殿寺竹影自翻階  
木杪朱欄出城坳雪浪埋乾坤迷在渚霧雨洩陰崖  
丹葉經寒在蒼洲向晚佳魚龍宵聽鳴猿鳥晝窺齋  
月滿蟾珠實霜清磬石諸僧盃收栢子樵徑掃松釵  
左宦書無薦南烹菜有鮭風煙欺短髮雲水信殘骸  
竟作何鄉老虛慚素尚乖江湖今在眼歸合辦青鞋



予以年事漸高氣海不能熟生暖冷旅中又無藥物遂用火攻之  
策灼艾凡二百壯吟呻之際得詩二十韻  
朱奉使  
不作漳濱臥年侵血氣衰據鞍思少壯攬鏡嘆清羸有病方求艾無營莫  
問著心知山下策理勝馮中醫陽燄神逾速銅仙術盡施論功鄙炮製取  
穴辨毫釐天帝恩光異炎官績用奇書螢比差似珠蟻迫方知付物嗟炮  
驚觀形笑灼龜煙微初炙手氣烈漸鑽皮閉目書徒展支頭枕屢移發狂  
還自哂費身僅能支末鷓追風日吳牛喘月時忠言勞緩頰善謔爲開眉  
鍊氣工夫遠燒丹歲月遲衛生防後患伐性釋前疑展轉那成夢吟且  
當詩因心念民瘼出位嘆身卑欲已七年病當從百世師保身將保德未  
可廢爲規

九日與數客登善福院之絕頂晚飲茗飲閣下以病先歸賦十二  
韻  
朱逢年

風日迫佳節一川秋意昏臨高分石磴却立數煙村楚製隨雲物蠻花照

酒浪龍山嗟未久藍水想空存鴻鴈頻收淚榮華幾斷菟柏有尋熟路登  
閣喚餘尊鍾梵規繩闊親朋笑語溫加邊攜海嶠聞笛憶鄉園夢記南柯  
守兵看左角奔詩凡羞晉宋髮短任乾坤汝輩禪心起今生道眼渾不知  
東嶂外灩灩湧金盆

紹熙辛亥歲遷居星洲述懷

朱默齋

別墅今爲宅芳洲古號星一溪紫似帶羣岫列如屏繚繞蟠龍勢迴旋翥  
鳳形紫峯鍾美瑞秀麓炳神靈峻嶺通山去寒潭對剎渟顏犬雙傑出斜  
谷獨深局鷗鷺遵幽渚牛羊散遠汀春花紛外野秋月可中庭築室歌鴻  
鴈謀隣詠鶴鴒來居猶未久補弊不遑寧愛竹留新筍看松養伏苓採山  
收美茹釣水得鮮鱗繁短親諸子愆明勘六經桂香思壁水槐影記楓庭  
事業姑藏器功名會發劔豈無牙父志當遇子期聽鷓鴣須逢運驛驢豈  
戀坵祗今時合待柱笏謾名亭

乙亥避地橫槎山中

汪紫巖



仙槎移到此杳杳白雲根石乳漏崖響山腰界雨昏徑幽盤過險橋斷涉  
驚渾百匝回峯曲數家臨水村羊爪青繞屋桑柘綠當門鵲突兒迎客龍  
鍾叟抱孫澗春分注沼田穫半樊園地僻衣巾古大稀耕盤温尚懷文杏  
館且擬小桃源嶺外風波別搖頭勿復言

酬趙隱君還予詩藁之作因來韻增至二十四用柳子厚同劉院  
長言懷事詩例也

孫奕山

度德宜膝長論文隋唐皇凄涼當歲晚蕭麗見時髦常恐詩無證空知調  
欲高扶踈纜社樑變化豈肯濤閣畧三冬學增多一字褒大篇參往錄異  
事託吾曹昔嗜梁臺選仍就郵士騷長歌落澗谷中夜駭猿猱攻苦鴉濡  
翼未朋鹿食蒿家無彥弘在鄉失呂温豪擊村當誰聽荒蕪尚自薶英英  
善和柳皎皎義熙陶步驟才難至圖回首屢搔較深搜石髓務潔取溪毛  
推激吾非黨譏訶物得逃辭連盤谷稼想到武陵桃朝逮虞淵暗宵幾鷓  
曰磬含愁全度賦寓樂間莊濠不謂塵明鏡何殊贈佩刀音書無雁往時

序伯蟬號嵇向諸人遠周雷再世遭未應求善贊孰不飲醇醪並席茂依  
玉清言輟炙膏斯期方緬邈北望寸心勞

詠友人竹

汪古逸

拂雲何日種蕭灑傍茅堂翠重煙分消痕乾淚染湘塹鞭枝倒發徑篠筍  
斜行地緊根相絡莖高穉漸長山僧冬食種隣叟夏偷涼泛戶陰開闔掀  
風勢簸揚杖侵鏗瘦玉爪刮聚浮霜禽踏枝純屋松添影壓牆蕭韶如不  
乘或可佐宮商

贈雲屋端上人

俗姓姚舊殿

方虛谷

名繼今已絕見汝忽驚神昔日陪三衛多年護九宸漫從鷄憤報長與蠹  
編親漢幄垂前著素關痛隻輪驟驚淪寶玉何惜褫冠巾往事憐竭國餘  
生脫鴈臣片雲聊作屋死樹自觀身空鉢寧無食朽囊別有珍跣行千里  
近東臥八寒春像喜圖佳士名虛徹貴人論詩色涇渭遠俗意參辰餘子  
一時盡高流百世新公能追慧遠吾或可遺民刺楸雖殊相澄江月共真



呂氏澧溪八景圖

程默齋

盡道澧溪好澧溪景若何重樓上雲水比屋入煙蘿長笑天風迫清冷地  
賴和木深茂窈窕路曲嶺鬼竅鳳舞風中羽龍騰雨後樓近堤鳴牧笛遙  
野辨暮葉紅亞桃欹竹青披柳蔭荷松雲迷後塢梅月澹前坡縷汲垂虹  
井機春浴鷺渴廟燈山鬼伏橋鼓社神呵返照懸紅樹暮泉響玉珂吾伊  
碧窻讀欵乃紫崖歌冠佩才華盛鄉隣禮數那人喧朝集市仙過夜飛柯  
山勢遙通蜀川流近走番丹霞接方丈白鳥向新羅俗美民徧樂官清政  
不苛馬嘶行旅道鶯語碩人適風物千年勝標題八景訛請携雲運後暇  
日數來過

豫章南樓

汪朝宗

適意緣清景馳思屬早秋蒼焉臨勝地暫爾憩南樓楚岫雲中出查江樹  
杪流涼蟻泛蒼響音絃草沒歸愁鼓角三邊壯檐幃五月留誰知放歌者脉  
脉寄滄洲

送蔡參政入蜀

詹承旨

東吳霖雨佐西蜀將星明水落黃牛廟雲開白帝城邦交修玉帛賓禮會  
春纓陸賈無裝贈楊雄有賦名詞源流峽水詩筆發天聲叩竹臨風看巴  
船載雪行錦官談舊俗金節促歸程  
聖主龍顏望慈親白髮生鳳池邀閣老馬首出郊迎

寄吳朝錫

詹承旨

小樓殘燭短冠佩候晨鍾紫陌嘶羣驥丹霄駕六龍朝回尋藥裹病起寫  
書封歲月驚華髮松楸動慘容春雲懷去友夜雨夢歸農淮海經年別何  
時得尔從

聞吳繼新寫正覽果作詩迎之

唐白雲

吳郎久不見悵望隔江村辛苦頭將白編摩眼易昏蕉心含雨潤柿葉纈  
霜繁智未瞠諸後義之本一門未應梁上得偏向枕中存點磔臨池黑文  
波漏屋痕縈紫蛛結網裊裊暮簾綠益白練書裙好黃麻草認尊首濡無醉



鬼筆諫有忠鬼安得三千幅頌君恣意繙

排律七言

許負外新陽別墅

方玄英

蘭汀橋島映亭臺不是經心卸年栽滿閣白雲隨雨去一池寒月逐潮來  
小松出屋和巢長新徑通橋避筭開柳葉風中欲枕臥荷花香裏釣魚回  
園中認藥分靈草簷下攀枝落野梅莫恣高情求逸興須防急詔用賢才  
若因螢火終殘卷便把漁歌送幾盃多謝野中賢太守常時談笑許趨陪

李侍御上盧別業

方玄英

滿日庭臺嘉木繁燕蟬吟語不為喧畫湖勢急吞諸島水雨聲回露半村  
直為板毫方掩卷常因按曲便開身若將明月為僑侶應把清風遺子孫  
繡羽驚弓離果上紅鱗見餌出蒲根尋君未要先題竹直棹漁舟入大門

問政山留題

黃屯田

千尋練帶新安水萬仞花屏問政山自少雲霞居物外不多塵土到人間

靈懸仙島吞丹龍腕浸星宮沉水閒寶錄篋垂金縷帶絳囊條鎖玉蓮環  
靜張棋勢鋪還打默考仙經補又刪牀並葛鞋雙兔伏窓橫櫪几老龍吟  
溪重乞火朝敲竹山鬼聽琴夜撼樓草暗碧潭思句句松昏紫氣度函關  
龜成淺甲毛猶綠鶴化幽翎頂更殷阮洞神仙分藥去蔡家兄弟寄書還  
黃精苗倒眠青鹿紅杏枝低挂白鵬容易煎茶供客用辛勤栽果與猿攀  
常尋靈穴通三島擬過流沙化百蠻新隱漸開侵月窟舊林猶恍恍沙灣  
手疏俗禮慵非傲肘護靈方臂不慳海上使頻青鳥黠篋中藏久白驢頑  
筇杖健柱葛蒲節筭櫓高簪越帽斑花氣薰心香馥馥澗聲冷耳響潺潺  
高墳自掩浮生骨短髮難窮不死顏早晚重逢蕭塢客願隨芝蓋出塵寰  
羅鄂州志續詩云蘇州問政山攝師道真人所居常有白驢驢  
至絕壁於巖間空處見詩一首題答論昏蝕文尚可辨即此驢也

登凌歊臺

程北山

凌歊正在塵歊外四起雲山翠欲浮丹檻昔時空勝事錦袍何處想靈遊  
龍分一島來平野鯨吸長江帶兩州手扶飛雲天作幕坐侵寒露月垂鈎



向來時有千巖夢對此渾銷萬古愁醉目歸鴻天際沒地高空闊更宜秋

監邑八公即席索賦武功詩

吳克敏

舉旗南破犬羊羣威武聲名到處聞能以奇兵攻必取不憂強賊聚還分  
煙村古渡新酣戰景嶺重關舊策動幾度彎弓動明月三回舞劍斷行雲  
經營河北思劉秀割據湖南笑馬殷今日休陽誰克復傍人爭道八將軍

題休邑程士原率濱亭

呂德昭

仙翁亭構今何在肯構憐君復舊樵在昔故基仍勝絕于今喬木尚榮敷  
翰林題扁輝聯壁朝野留詩賦貫珠五柳孤松彭澤里黃鸝白鷺輞川圖  
溪毛落雨青絲長石髮凝煙翠錦鋪晴日漾波鳧對浴涼風吹樹鳥相呼  
笑談款款留賓客燕處怡怡樂友于琴響嶧桐調鳳尾簾疎湘竹捲鰕鬚  
何時緩策從幽討莫惜郵筒滿眼沽

題醫士朱士良紫陽讀書卷

唐梧岡

流水淙淙撼石梁紫陽當日絕嵐光何殊講省居長白自說流傳屬太倉

樂品君臣儲滿籠書籤今古積連牀螢囊照眼能供讀龍化為人欲問方  
坐愛茅簷隨月色病思橋井涌泉香良醫良相真荷異好拯生民濟世康

新安文獻志卷五十五下

甲集







散策橋南路春容最好時夢回花滿眼猶恐是辛夷

書趙園壁

朱逢年

夜月闌盃淺春風楚製輕故鄉空費夢來此聽溪聲

劉德明彥集祝弟以夏雲多奇峯為韻賦詩戲成五絕

朱文公

出山幾何時歸來便長夏端居心不怡散策長林下

為客厭城市還家辭世紛朝昏何所見但有四山雲

閉門事幽討歲月忽已多客來無可問與君共絃歌

干時本已懶宵次况亡奇若問中林趣婆娑祇自知

炎蒸不可奈雲氣滿前峯向夕風吹盡微聞遠寺鐘

和人感秋韻八首

程傳之

短景迫山陽愁多尚覺長一聲蘆葉響萬里塞雲黃

征戍猶未返素魄為誰明夢入蕭關去西隣絡緯鳴

秋日 秋月

疾風拔枯楠天作破瓦色古殿無飛塵過者見瑟瑟

金瘡怯秋氣調成未終更滴滴思鄉淚飛空作雨聲

憶昔遊吳甸新知結項容松江楓落後貌得洞庭峯

奔湍激哀玉動影漾寒金八月西興浪千年伍子心

上下青銅炯中間着我宜曾將根斲斷怪石似玻璃

多情門外草與我共飄零腐化猶相戀將衣點作螢

自南齋晚歸二首

王雙溪

返照南山脚西風古渡頭破煙雙鷺晚抱葉一蟬秋

溪涼魚撥撥山靜鳥飛飛草笠兒驅犢荆釵女浣衣

秋崖

方秋崖

鑿空為此名忽已落衆口聊結一間茅承當作崖叟

山徑

方秋崖

一徑淨於秋山中夜來雨倚松不知還幽禽妙言語



隔牆梅

寂寂度年光堅貞玉雪香冶容誰氏子終日傍垂楊

方秋崖

萱

憶披萊子服種汝奉高堂汝自忘憂爾吾憂未易忘

方秋崖

否

馬冷園中本移來村墅中太官今却獻黃帕不來封

方秋崖

詠史二十二首

趙吟嘯

聖德光天下歲功成閔餘百篇推帝典一半是農書

唐堯

迹跡陶漁父論功納麓多已傳精一語更作勅天歌

虞舜

地已還三壤憂方次九疇基圖天與子典則我貽謀

夏禹

罪已桑林六仁心祝網三只應寬代虐何事德懷慚

商湯

大邑周新造曾孫武始王伯夷方馬諫尚父已鷹揚

周武

萬世家為國長城山作國祖龍今歲死秦鹿去年肥

秦始皇

真主乘昌運假王恢雋功如何亡賴子失笑未央宮

漢高祖

意豁高皇似才雄大敵摧萬方瞻日角列宿聚雲臺

漢光武

橫槊真騷將燃箕亦忍人大君時有命雅意俗還淳

魏文帝

犬噬憂方重羊車意轉深可憐司馬國又屬問蟻人

晉武帝

馬浮雖是識牛繼亦殊聞昔者車書共天平南北分

晉元帝

已拓三秦地寧無幾月留登城聊北望老淚不勝流

宋武帝

戡難功何補欺孤計已深儘饒推導玉那解賤黃金

齊高祖

玉陛尊梁帝金園號誌公聞經同泰寺索蜜淨居宮

梁武帝

清淨方貽笑莊嚴更捨身基圖雖肇始識趣只庸人

陳武帝

猛上臨光殿生擒歸命侯師心無學術與子失貽謀

隋文帝

唐室恢新造秦王有大功一人居北極太子在東宮

唐高祖

未必黃明在終令丑口亡難教踈網漏不直敗瓊藏

後梁太祖

刺心真有志批頰更何為試問唐新主何如亞子時

後唐莊宗



尊以父皇帝賂之十六州終無敵飯所誰不石郎羞後晉高祖  
不假帝力賜翻麥飯孟試看龍衮畔還有雀兒無後漢高祖  
坤輿聊底定鼎祚又更新五代無真主世宗差可人後周太祖

晚步即事

錢融堂

晚行叢竹下羣雀忽驚飛一笑為回首拈花上翠微

治菊

錢融堂

菊本秋風盛芟除勿厭難寒煙衰草地正要得花看

安素午睡

錢融堂

禾黍秋將近溪山日自長午窗千嶂雨幽夢一簾香

開窗

汪秀山

草色侵書綠依山多得陰月高猿挂樹驚起夜棲禽

半山寺

汪紫巖

往事空求佛當年誤買隣幽幽思舐犢煙雨暗松筠

冲陶山中

汪紫巖

侵林綠意多過牖松花落草堂一編詩送客不下閣

還鄧覺民詩卷

孫良山

南山竹可笛北山桐可琴得如聽松風中有太古音

閱奉紀二首

孫良山

初逃堪未亡又遇朴無傷如何博浪禍更使副車當

秦獄聊逃雨湘山偶阻風伐樹仍封樹元無罪與功

邵康節

孫良山

真隱由中土行窩賞太平生無皺眉事單為杜鵑聲

山間

孫奕山

谷鳥鳴聲清山雲戀態新清渠不沒脛亦有浣紗人

武林絕句二首

孫奕山

續紛迎酒伎宛轉賣花聲偶似承平世攜書試鳳城



比屋單衣日名城冷食天居人多上塚遠客未歸田

秋晚園中二首

孫葵山

籬落園秋色株梢昏晚暉菊花供麴盡桐葉飼魚稀  
風葉相仍下家童未掃除綿聯封蠶戶殘缺帶虫書

竹徑

汪古說

竹陰清入骨消得此閒行不待鋤蒼蘚頻來徑自成

晚春客愁四絕

方虛谷

江外蘆芽老城中柳絮飛春風猶幾日誰與濯征衣  
春老魚苗動江肥雪水來大孤山下路何日汎舟迴  
思歸歸未得海醉醉還頻不料溢江上題詩送晚春  
十載干戈後辛勤許牡丹豈知身是客借與別人看

出城

方虛谷

久病欣初愈長忙愛暫閒出城因送客沿路得看山

渡江至儀真口占四首

汪杏山

風冷知日落水寬得天多金陵懷古句絕唱是西河  
寒波白似面遠岫劣於眉江上無多作淮南正要詩  
事以詩書立國惟仁義昌當年衣帶水元不管興亡  
風順帆心飽潮平櫂未收擁書入自臥一息到真州

新徑

江石卿

便可行松影尤宜坐竹風隣家呼酒近來往水聲中

小澗

江石卿

悠悠浮竹影細細響松根千丈寒光遠如蛇曲度村

晚行

江石卿

樹暗催歸鷺村遙認渡牛夕陽收欲盡策杖過荒洲

新竹

江石卿

忍口留牆笋柔枝散薄陰晚來攜短杖便有歲寒心



夏不雨後

江石卿

雨氣侵衣潤林花照酒新熱塵無一點斜日淡隨人

夜雪初霽

江石卿

林上聲初斷開窻玉作林浮雲歸已盡明月挂天心

早夏思家

江石卿

呼夢渾疑在故園家人占鵲喜筭已出離繁

昭君怨

江石卿

萬邊算堪嗟孤家青君王何不悟咫尺是宮庭方虛谷云石卿詩

語而折旋二三能簡又能委曲一

早起

唐筠軒

出外星垂野穿林露濕裘風高猶過鴈月黑有行舟

五言

唐筠軒

鏤巧太湖石昇來動百枝倉苗識新主臺榭總相宜

夜坐偶成因憶吳會舊遊

唐筠軒

書燈盡永夜推枕即窻明却喜還家夢經旬不到城

班姬題扇

唐筠軒

婉孌儒家女淒涼團扇詩情知辭輦日花唾笑渠癡

可相

胡存菴

石罅瀉蒼乳泠泠玉泉清我纓本無塵灑濯秋月明

杭州黃鶴山亭

汪尚志

山亭度晚秋寢木覆新凍松子落虛簷幽聲入殘夢

離行五首

汪朝宗

花底住鳴鞭曉行灘上船上流風較穩百尺不須牽

上峽灘水急下峽灘水清隣船夜相語兩日到嚴陵

聞道沙溪酒春來如蜜香買將千百斛取醉到東陽

灘上水平沙梭舟蕩落花吳儂不相識對面醉春紗



三百六十灘相逢相見灣舟師隣遠客數問幾時還

過吳城山

汪朝宗

夜過吳城下不眠閒倚窗溯流雙櫂健搖月下西江

隣翁

趙東山

世亂人心薄年荒虎跡多隣翁近相戒日暮少經過

山居雜興

鄭得卷

墻頭桑椹落樹上春鳩鳴獨立衡門晚滿川雲氣生

題續溪石鏡山

曾東白

石鏡照奸惡火焚光不磨丈夫心地險莫向此中過

奉題友章程先生文堂二詠

呂德昭

飛龍何曉曉積翠光秋滴金烏浴扶桑影射半山赤

輕雲翳西窗釀作晚來雨涼風吹不開絲絲墮銀縷

書所見二首

朱詹丞

雨過千峯淨泉飛萬壑鳴溪流崖下險入杖樹邊行

樹大環居靜山昂曲徑低花飄風逐北橋正水流西

夷齊

蘇景元

一死須臾事西山直到今紛紛肉食者誰識采薇心

絕句六言

泊舟儀真江上連日風雨

程北山

洶洶風號萬竅冥冥雨暗長江午夢歸尋三徑南山恰對書窻

折山道中二首

朱逢年

雲暖網橫危磴日沉舟泊平沙欵乃一聲歸去炊煙遙起蘆花

牛臥黃茅岡底鷺歸紅葉村邊可是太平無象溪橋醉舞華顛

萬州湖灘六言

查元章

滿目暮山平遠一池雲錦清酣忽有鐘聲林際直疑夢到江南



舒嘯

王雙溪

幽人獨坐空谷最愛夜深月明雲外一聲長嘯四山木偃風生

答慈湖先生

錢融堂

籬下黃花燦燦庭前新月娟娟獨立西風無語一行鴈字書天

寅雅

汪竹牖

布谷不耕不穡巧婦無褐無衣提壺不可挹酒絡緯寧來留絲

絕

螺贏堯舜父子鴻鴈魯衛弟兄鬪蟻滕薛爭長狎鷗晉鄭尋盟劉後村此

新秋池上曉望

汪紫巖

淨植香來水北殘蟬聲度橋東清泚金鱗漾綠夕陽白鷺翻紅

六言二首

汪古逸

撼竹露喧餘滴度荷風挾微香醉袂拂開雲影釣絲牽動潭光  
暮雨帶雲淒澀歸時不脫漁蓑隣犬誤疑客至數聲吠出煙蘿

即事呈龔子敬二首

唐筠軒

彈冠而仕已老刺船以嬉若人文字裨官野史冠童舞雩暮春  
未聞一飯三矢尚可斗酒百篇摘領到無可白著書何有於玄

山行

汪朝宗

溪光靜如白練山色碧似朝霞最是一春好處雨晴人采新茶

燕會清堂

汪朝宗

勝日大開東閣臨池旋取鮮鱗只為梅花合醉不須風雨留人

學書

趙東山

玩物謹防喪志游藝實後依仁但可時時適意不須咄咄逼人

山中

鄭樗菴

春雪白如鶴翥晚山青若龍蟠高軒有客柱笏神武何人桂冠

對月

陳自新

意倦愛眠高枕量慳怕飲深盃夜靜不須閉戶放教明月歸來



吳華六言

江敬弘

春水深浮鴨綠曉山高聳螺青散子魚潛荇穴抱琴人往燕汀  
門掩蒼苔綠竹路通白際青山幾處蟬鳴日末坐看林鴉暮還

絕句七言

君不來

方玄英

遠路東西欲問誰寒來無處寄寒衣去時初種庭前樹樹已勝巢人未歸

東陽道中作

方玄英

百花香氣傍行人花底垂鞭日易曛野火不知寒食節穿林轉壑自燒雲

夜會鄭氏昆季林亭

方玄英

捲簾圓月照方塘坐久尊前竹又霜白犬吠風吹鴈起猶能一一旋成行

陳州寺中聞太守肆射作

查殿丞

殿宇閒聞燕雀鳴虛庭盡日少人行孤吟獨坐情何限時喜風傳中鵠聲

本意雜錄云道源年十歲在陳州開  
太守寺中肆射賦此太守大異之

春日和呂本中

汪青溪

宴坐齋堂一事無居官蕭散似相如偶違濁酒風前約不見繁英雨後疎

親紫薇

題靜江府枕流亭

胡三山

平生壯志在燕然投老南征未息肩鼯鼠發機端可笑暫休戎馬弄潺湲

宿鄮侯鎮一

汪龍溪

當時踏月此長亭鬢似河堤柳色青今日重來堤樹老一簪華髮戴寒早

微涼初破候虫秋露草螢光已不流搔首與誰論往事星河無語下城頭

雜興一

汪龍溪

晨起翛然曳杖行一簾疎雨作秋清老來歲月能多少看得莪花結子成

燕子年年入戶飛向人無是亦無非來春強健還相見送汝將雛又一歸



相如

汪龍溪

詞氣縱橫亦壯夫低回功業獨何如可憐封禪遺忠意鬼魅應須愧史魚

三峯草堂

程北山

庭前雙梧一畝陰禪房蕭森花木深清霜葉落空山響夢魯葵意松月林

得叔問書報柳元禮許寄鶴

程北山

海上胎禽雪翅翎故人千里念巖扃崇蘭館近光音塢為子新添放鶴亭

數日江上頗有春色偶成遣興

程北山

遠樹參差數點煙日窮天際水黏天背人葉葉風帆去應有鷓鴣萬里舩

筓

朱獻靖公

春風吹起籜龍兒戢戢滿山人未知急喚蒼頭斲煙雨明朝吹作碧參差

曾氏端伯曰朱吏部喬年儒學決科刻苦為詩細與初纂處厚為翰林學士每我其詩最愛此絕蓋前人有筓詩曰急忙喫着不可遲一夜南風變成竹喬年點化乃爾精巧處厚力薦于朝後為尚書郎

冬乾

朱獻靖公

陌上冬乾泣老農天留甘雨付春工阿香急試電羣莫放人間有臥龍

南浦

朱獻靖公

苟祿勞生不為身強顏來此算征人莫將朝市輕分別等是低回一闕塵

沈兒即文公也

朱獻靖公

行年已合識頭顱舊學屠龍意轉疎有子添丁助征成肯今辛苦更冠儒

延平道中

朱逢年

一溪春漲午晴初日透波光綠浸裾却憶孤山山下路石橋清漱看叉魚

舟次龍湖阻水因由董山

朱逢年

山雨踈踈心又驚起瞻天色斗微明他年一枕江關夢知憶蓬窻此夜聲

二

一川黃濁寫崑崙苦恨南溪不盡吞三老亦知行意速時時挿竹記沙痕

杆峯

汪僉樞

夏后峯前思盛業魯公亭畔憶孤忠吳興勝地東南會震澤嵎山在眼中



程倅春行

汪正夫

綠楊芳草正留連  
急雨催詩濕錦韉  
野老不知行樂意  
背人無語自耕田

茗溪漁隱一見詩人玉屑

胡茗溪

溪邊短短長柳波  
上來來去去船鷗鳥  
近人渾不畏  
一雙飛下鏡中天

秋雲漠漠煙蒼蒼  
蓮花初白蓮葉黃  
釣船盡日來往處  
南村北村秔稻香

捲起綸竿撒釣歸  
短篷斜掩宿漁磯  
日高春睡無人換  
繚亂楊花繞夢飛

曉步

李鍾山

曉步閒隨蛺蝶行  
村南村北雨新晴  
山花野草自幽意  
布谷一聲春水生

送德和弟歸婺源

朱文公

十舍辛勤逐熟來  
琴書曾未拂塵埃  
秋風何事催歸興  
步出闔山黃葉堆

二

十年寂寞抱遺經  
聖路悠悠不計程  
悞子南來却空去  
但將迂闊話平生

贈內弟程允夫

見紫陽遺文

朱文公

外家人物有吾子  
我乃平生見未嘗  
文字只今多可喜  
江湖他日莫相忘

一

故家歸來雲樹長  
向來辛苦夢家鄉  
行藏正尔未堅決  
又見春風發後良

三

我憶當年諸老翁  
經綸事業久參同  
只今零落三星曉  
未厭樓臺一畝宮

寄江文卿劉叔通

朱文公

我窮初不為能詩  
笑殺吹竽盜得癡  
莫向人前浪分雪  
世間真偽有誰知

自注云僕不能詩性年為濬春明公以此謔為平生僥倖多類此

冬近

程文簡公

世間剝復每相乘  
此理幾幾喚得應  
萬木凍僵梅有信  
黃河冰合井如蒸

息齋

羅鄂州



世間誰號最閒忙強健收身意自涼春去掃花時汲井客來剪韭旋炊梁  
寓郡城客熱不可寐  
吳文肅公

淡月微雲對倚樓無聲河漢自西流高城忽起梅花弄散作晴空萬里秋  
呂竹坡云此篇詞意清新而豪氣勃勃不可融宜與坡杜相周旋

白竹橋

程克菴

向來過此日流金今日重來雪滿林輕棄簞瓢貪斗粟區區奔走媿初心

題耕隱卷

程次卿

山下巢雲夢亦清隴頭耕雨綠蓑輕時人共指龐居士為借農書一到城

晚浴溪上

王雙溪

山脚草深樵徑沒溪頭水落石梁高一川風露無人占古柳玄蟬處處號

郊外見梅一

王雙溪

四山有雪未全融蓓蕾梢頭茁小紅也欲索花同一笑蒼顏羞澀見春風

二

故園疎竹閉柴關手植孤根在竹間別後疎枝無恙否寂寞風月冷溪山

聞蟬

王雙溪

綠陰遮日忽鳴蟬墮地殘紅色未蕪兩岸垂楊低蘸水夢覺時到故溪邊

豐年謠

王雙溪

稻如馬尾覆溝塍桑柘陰中一犬鳴收穫登場便無事輸租人不到州城

于陵祠下作

汪理丞

四皓逃秦終翼惠伯夷避紂亦歸文先生豈是忘君者具有維持漢鼎勳

宿平江寺

汪子泉

行盡江東又復西連天汀草淡煙迷回頭悵望家何處雲外青山一抹低

題豐城驛

汪子泉

過盡長亭復短亭脩途隨處月同行明朝買得扁舟去兩岸蘆花夾櫓聲

絕句

金良之

秧針刺水麥鋒齊漠漠平沙白鷺飛莫道春光已歸去清香猶有野薔薇



陳時相

程端明

陳未亡時栢已蒼風來歷歷說興亡世臣元不如喬木閱盡中原幾戰場

早入  
紫薇泥露翠條深捷捷靈鳥振好音全似冰巖亭上坐四屏煙靄奏春禽

方秋崖

立春都堂受誓祭九宮壇

輿輅春融雪未乾雞人初唱五更寒瓊幡第一番花信吹上東皇太一壇

方秋崖

問舍求田計未成一蓑鋤月每含情春山樹暖鶯相逐曉龍雨晴人獨耕

清明日舟次吳門

方秋崖

蓬窗恰受夕陽明楊柳梨花半月程老去不知寒食近一篙煙水載春行

聞雪

方秋崖

黃塵沒馬長安道殘酒初醒雪打窗客子慣眠蓬岸夢成孤棹泊寒江

梅花

方秋崖

竹澆疎籬水遶村一枝無語更黃昏暗香似識騷人意月淡無風自入門

和八淵明采菊圖

趙吟嘯

淵明為米腰慵折送酒人來却強顏今日東籬重采菊只應醒眼對南山

與客步月坐澗中石上

錢融堂

林逋山深一罅天臨流趺坐月娟娟此時妙旨誰能領澆石琅琅走澗泉

登天寧塔象山先生舊嘗題名其上

錢融堂

孤塔危闌倚碧空山川城郭一襟風象山遺墨今何許老木蕭蕭夕照紅

無題

錢融堂

臨池綠樹陰陰合入竹黃花顆顆新世外別無安樂國寰中真有太平人

江東報英烈擬封二字侯

錢氏兄弟曰密魯宋南渡起鄉兵傑金兀朮于嚴州以功立廟賜號曰英烈

錢融堂

胡塵明越連焦土海道温平暫翠華西湖濤江渠叵測不知家傑起山家

記花頭巡檢及孝女鄉

花頭巡檢先君紀之詳矣孝女鄉其處也



鄉之得名以此然則汝溝舊名汝溝以表廟風俗因成一絕道予  
可改也吾鄉有此二事宜廟而祭之

花頭巡檢罵賊死蓬首女兒騎虎號安得邦人百世祀魏魏忠孝比顏曹

夜坐

汪秀山

鑪煨楮烟容冷酒瀉茅柴春色輕夜坐不眠人悄悄梅梢隨月繞窻行

又雨

汪秀山

連連春雨幾黄昏溪岸人家水近門借問今朝水曾落竹林枝上看泥痕

門前松棚

汪秀山

突兀山邊屋數間每嫌斜照上闌干當門只得添松蓋未到秋來夜已寒

秋

汪秀山

萬木驚秋各自殘蛩聲扶砌訴新寒西風不是吹黃落要放青山與客看

新安文獻志卷五十六

甲集

新安文獻志卷五十七

甲集

絕句七言

吟蛩

許山屋

吟蛩不管興亡事舞蝶那分夢覺身列浦連檣歸遠客高山小徑過樵人

白雪

許山屋

白雪家家拚蠶箔清風行行入秧苗半開猶菜花情遠又雨初晴鳥弄驕

朗湖道中

許山屋

屋下種花警露滿窻前疊石岫雲生春風不解分疆界本自無心却有情

首夏

許山屋

首夏清和似夷惠心情熙洽即唐虞竹梢巧送月到牖荷葉亂迎風入湖

金陵懷古

汪紫原

勝地尚存龍虎氣荒臺已失鳳凰蹤六朝文物山川古霸業終歸指顧中

觀黃山仙人藥臼

程山窻



藥曰空遺千載名丹成人向九天行我來欲覓刀圭劑只聽寒泉佩玉聲

題荆公讀書堂

吳古梅

六籍紛紛盡可奴翻騰字說乃苗裔可知山半青燈夜只讀商君一卷書

孫武

汪竹牖

為憂玩色墮軍實故假陳兵去二姬却恨此機深莫悟後人不諫受西施

後有注云君不于行卷篇篇有意如評孫

林和靖墓

吳蘭皋

遺藁曾無封禪文鶴歸何處認孤墳清風千載梅花共說着梅花定說君

左史云

送春

吳蘭皋

惆悵春歸自不禁日長門巷靜沉沉應知不上為花地沃沃桑麻雨露深

山中雜言

吳蘭皋

小小柴門傍竹開幽深不慣有人來頗嫌老鶴無情思咏損庭前一徑苔

方虛谷詩淡靜

登金陵鍾山絕頂

吳古梅

萬仞鍾山着屐登中原今隔幾峻嶒自憐不及天邊鴈歲逐春風到八陵

草堂

吳古梅

蒼煙落日草堂深淺淺寒侵白玉簪等客不來童睡去自搖脩竹和新吟

如虛公云式賢奇學博

十一月宿於潛

汪紫巖

蜂迷窠窠木絲香蟻泛花窠碧玉漿縣僻人稀寒日晚古松樛翠出危墻

燕鴈

汪紫巖

秋來春去鴈賓熟秋去春來燕子忙寒暑自分人事信不須禽類互炎涼

晚望

汪紫巖

野岸松杉暝色沉漁翁收釣碧潭深衝雲點點鷺飛疾何處呼牛尚遠林

春信

程國論



蕭條事堂去拍塞韶光點點開明月清風遮不斷暗音時入夢中來  
紫陽夜坐 孫良山

一夜燈前白紵單沉吟有此夏初寒露零若與人相語松杪蕭蕭下石壇  
偶作 孫良山

更勿窮通算此生文章玄白付誰評淒涼例薄佳人命邂逅多成豎子名  
書雨 孫良山

陰谷幽林熱似焚阿香鳴鼓驟殷殷天公作雨須更事用得東山一片雲  
歸途旅思 孫良山

虛市斜陽早掩門蕭條州縣抵深村殘梅與客迎新歲明月隨人作上元  
姑蘇元夕 孫良山

茂苑長洲滿地春吳兒歌舞逐時新風流百巧花燈手猶是夫差國裏人  
初歸 孫奕山

湖蹤海跡一飛蓬千里常隨莽蕩風今日抵家離犬諫不知身是主人翁  
孫奕山

春去空山啼乳鶯鶯邊老樹蒼新青一瓢挂此坐終日即是蘇家擇勝亭  
樹陰 孫奕山

溪翁生計獨熙然新買南隣舴艋船日載鸕鷀三十尾魚為租入水為田  
溪上 孫奕山

方虛谷云此絕類陳后山不具眼者不識也  
寓齋 孫奕山

環中風物有誰爭即日詩情取次生雲倦竟依簷際宿雉馴時下竹根行  
過往歲避地之所屋毀人遷 汪古逸

依舊蒼苔小徑斜當時從此入山家心疑謬誤還疑是雨濕棠梨一樹花  
晦菴先生遺墨 予先世凡兩娶未一幸齋從姑一晦菴從妹至先大夫僅存先生四世今幸存其一於吾宗感而

又遠知誰更解珍即今猶見墨如新難懷白壁歸秦國尚喜烏犂屬楚人  
汪古逸

又



待制詩章雕玉雪郎中筆陣布雲霞獨於妙跡留遺恨澗石嵯峨疊鮮花

待制所職先世詩今皆有石刻存焉

夜雨昏昏欲雪天數家燈火北山前鄉心認作桑麻路忽有湖船奏管絃

行宮西門

方虛谷

翠華東幸締和盟從此君王罷北征宿衛周廬無處所野人畦菜傍宮城

舟行青溪道中入歛一

方虛谷

乘時盜賊起風塵戰血苔痕幾度春古廟僅能存大樹荒山猶自少行人

刺桐花發草如藍欲卸綿袍剪苧衫一夜春霜忽如雪江南天氣不宜蠶

跋張明府獨樂園圖一

方虛谷

熙寧相住半山寺元祐人宗獨樂園早起菴中釣魚手未應信請失中原

獨樂人聞新法新定應翻作獨愁人墓碑一仆黨碑立已覺園花埋戰塵

題許宣平南山故居自注云李柏來訪許宣平於紫陽山下過渡得破船有柏翁在問宣平家老翁指船為賦

詩曰面前一竿竹便是許公家即宣平也二仙相遇甚奇

方虛谷

一菴依舊翠微中身在蓬萊第幾宮羽衛夜歸人不識滿山松檜響清風

新晴

方虛谷

女伴新晴喜曬衣老人閒步覽春暉隔籬一樹桃花發初見今年粉蝶飛

崇德道中

汪杏山

忽憶西窗畫掩扉却緣殘照水邊歸杜陵夔府坡南海都似西窗此夕暉

有感

汪杏山

驅馳萬里且歸休三十餘年只漫遊已死舒何斗不起霜松雪桂一山秋

徽寧近在學時松桂甚茂今聞剪伐矣

通倅陳弗齋部運歸自河南

曹弘齋

風月平分本是閒一車留汗獨聞關了將官事歸來喜識得宣和萬歲山



蔣山八功德水

鮑子壽

功德河沙七寶池可如甘露降三危鍾山一滴曹溪水好及蕭郎索蜜時

維揚懷古

鮑子壽

江北江南水一涯迷樓結綺兩堪悲雷塘草綠人安在曾見黃奴坐井時

汪忠卿御史梅菴

程文憲公

家住新安生虎林繡衣風節老梅心客來若問封侯事笑指菴前月色深

夏夜

汪昂甫

銀漢乍生秋入座火輪初墜月侵廊荷風飈飈傳綃扇竹露蕭蕭下石牀

江南

趙可齋

鷗波萬里與天浮煙樹微茫接幾州底是客懷愁絕處蕭蕭風雨倚江樓

偶題

趙可齋

盃羹瓶粟苦無多剪爪侵膚可奈何老矣未成禱杙史歸歎不為虞夏歌

登徽城醜樓

江賓陽

夕陽猶戀最高樓天角銀蟾欲滿鈎曲曲關干渾倚遍故園松菊幾分秋

曉村

葉梅嶠

曉天風露冷颼颼山下人家景絕幽畧約約橫門外水遠籬開漏碧牽牛

幽居

宋松所

衡茅松底漫為家竹引香泉淪瑞茶落草秋容誰管領一堤霜蓼自紅花

見方虛谷後自述

程斗山

清吟空想離騷國至理難窮太極圖知有老人圯下履恨無鴻寶枕中書

鴈不傳書

吳淵甫

牧羝北海堅持節射鴈上林那得書但使子卿歸漢國從教使者誑單于

山房偶書

孫芝田

山深露重涼如許落木蕭蕭積煙渚西風慎莫剪芭蕉留與幽人聽秋雨

題雲巖耕讀卷

程孟敷

侵曉耕田夜讀書白雲深處結茅廬紅塵不到蒼崖畔自有漁樵問起居



贈言星易汪巖川

王堯菴

六籍分明易有神能逃烈火度羸秦說鈴傲几欺童稚不似成都賣卜人

黔川雜詠

唐筠軒

翠瑤為壁住人家一夜山前聽亂蛙莫怪客衾涼似水淙淙飛澗隔窻紗

題陳生明皇洗馬圖

唐筠軒

五龍毛骨代間無遠市邊城入帝都珍重君王賞神駿內家別有洗兒圖

玉山道中

胡存菴

青山歷歷響春聲十里秋雲一望平倦客小支筇竹瘦霜風煙草路縱橫

夜歸舟中

胡存菴

江上歸舟暮色蒼市樓燈映遠波光樓中風蕩歌雲去不返漁家月下柳

藤溪古祠

汪稱隱

蒼松老檜鎖寒煙古廟荒涼野水邊門掩苔痕香火冷石幡竿上嘯饑鳥

長沙定王臺

鄭仲賢

當年米博長安土寧得負米歸長安王去何之母誰望夜深明月荒臺寒

題孫萬戶蘇武圖

鄭仲賢

羝羊不乳歲時深萬里歸來鬢雪侵麟閣千年今不見丹青誰解寫丹心

途中聞鷓鴣杜宇聲一絕

鄭仲賢

深藏古木鷓鴣鳴響裂青山杜宇聲歸去路遙行不得二禽相答正關情

題孫甥子恭孝友堂

吳和叔

我愛孫郎好弟兄若翁雖死亦如生春風堂上慈顏喜日日開簾看紫荆

歌風臺

洪杏庭

可是歌風念故鄉匹夫萬乘豈尋常不知身後閨門禍只道無人守四方

汴學

洪杏庭

朝元競說新宮麗相國猶存古寺雄壁水枯荷人不到石經零落臥秋風

縣廳獨坐

洪杏庭

瑞山花發雜青紅案牘全稀犴獄空數片閒雲窺吏散飛來庭下舞輕風



題古城石壁 上有汪王廟

汪文節公

煬帝南遊四海兵石門憑險待時平至今萬歲山頭廟猶有居民說古城

休寧縣斷崖

汪尚志

青山欲盡兩崖開白鳥飛邊一水迴遠聽歌聲何處發荒煙落日釣船來

拒霜花下野鴨圖

汪尚志

花入霜天織女機綠肥紅膩寫芳菲一鳥花底多幽思立盡秋光不自飛

舟中和韻

汪尚志

雙槳輕風送小舟倚蓬延佇散離愁來牛去馬江村路紅樹人家是越州

看花

王伯恂

隨步看花花正開今朝零落滿蒼苔不須苦恨三更雨歲歲春風去又來

登師山一

鄭師山

城上鍾聲度遠溪扶桑破曙海雲低披衣欲起還欹枕山下晨鷄四面啼

一

山前村落亂高低雲意模糊遠近迷萬壑松林如畫展黃山恰在小樓西

覆船山樵歌五首

鄭師山

行客初登半嶺間石門深鎖路迴環若將泉水論高下應是東南第一山

路入黃茅劍斲蛇踈籬石砌野人家山深地冷春難老五月巖前見落花

右

巨靈斷此崔嵬好事題名幾度來不用碧紗籠石上但令風雨長莓苔

右

歷盡崎嶇上碧岑高山飛瀑似鳴琴何須水樂尋幽洞自有巖前太古音

右

常憶當年武肅王金鏃店裏月華光山中十月桃應熟未薦仙人不敢嘗

右

休寧道中

程賢商



雨霽浮嵐翠欲迷村村垣屋樹高低山深路險難騎馬借得芒鞋過小溪

小火原頭燒麥芒收殘菜子插新秧健兒趁得溪流漲一夜乘槎到富陽

題王清夫東雨閣

程黥南

關上留題百卷詩王郎與客讀多時好風吹送東來雨濕秀青衫總不知

題潘和仲桃溪圖後

程黥南

故人家住桃溪上我住桃溪西復西何日穿雲度溪水碧桃花裏聽鶯啼

有感

程黥南

白頭郎更泣江邊故里丘墟未是憐腸斷梨花寒食雨金魚墩上雪林阡

江陰吳士明花園

馬敬齋

松風微動涼生座竹雨初收青近人日日憑軒舉春酒不知朝市馬蹄塵

二

虛亭回面壁玲瓏庭下游魚白間紅又坐不知香霧濕竹闌干外藕花風

讀檀道濟傳

汪拱辰

啟靈真由白面生北來誰御佛狸兵始知誤聽謔人口壞却防胡萬里城

下亥題虎壁

汪以質

渡水歸樵憩柳磯滿山紅樹映斜暉誰知不是真圖畫却悟前汀白鷺飛

題柳溪

程正齋

堤柳扶疎溪水清綠陰消得杖藜行幽懷只許沙鷗覺時向磯頭管送迎

題韓幹畫太宗馬并御跋

程正齋

當年承詔畫權奇全畫昭回聖語垂不是九重深眷注箭倉辛苦有誰知

小像自題

汪竹友

行年六十貌稜層解事丹青為寫成今日相看俱未老他年應遜我為兄

黃山虎頭巖

鮑伯原

巨石砢砢類虎蹲野羊山大半銷魂遊人不怕巖前路直踞於菟進一尊

祥符寺

鮑伯原



森然古木覆蒼陰四顧蒼山一徑深六月長廊不知暑飛泉終日響潮音

餞畢公大還山

朱風林

楊枝婀娜酒旗搖人去人來朱雀橋老我送君人送我遲遲幾許意難消

夜過叢山關

汪朝宗

山裏怕聞猿嘯哭關門魚鱗報重開健兒把燭更深立翠道前年使客來

山行一

汪朝宗

前村後村溪水涵大樹小樹梅花開一雙野鶴避人去四壁雲山傍馬來

二

曾聞東掖郎官說七郡好山如米多松風吹衣水流急疑在玉宮谷裏過

席中用趙子常詩韻贈曾志敏

汪朝宗

白髮近如春草生可恨十年成底名鷄鳴拔劍背燈舞風雨草堂銷客情

柬朱伯微

汪朝宗

紫陽山下朱徵士白髮近來垂滿肩清晨拄杖出門去為鳳鳴陽求引年

中條山

汪朝宗

平沙漠漠草蕭蕭一劍寧論萬里遙猶愧未償山水願暮衝寒雨過中條

題枯枝寒禽

詹承旨

王母宴歸西海上空留青鳥羽參差黃雲苦竹江南雪獨立寒條歲晚時

題水殿納涼圖

詹承旨

湖上關千百尺臺臺邊水殿倚雲開紅橋人隔荷花語玉盃金盤進雪來

舟過黃陵廟

詹承旨

黃陵廟下倚船窗水淺沙平屬玉雙山外斷雲寒日晚半蓬寒雪下湘江

題李白醉飲圖

詹承旨

百川鯨吸散清狂豈但文章萬丈光最是有功唐社稷眼中先識郭汾陽

詠蟋蟀

趙東山

赤翅晶熒何處歸秋來清響傍庭闈莫言微物無情思風虎雲龍共一機

先生年十一時從胡井表學于家塾賦此詩胡大驚異賦  
乳燕詩以答之云此年高辨雲霄上莫負當時乳燕恩



山間雜題

趙東山

月色入簾看欲盡泉聲坐久聽如無枯松結得新篁伴同上寒窗作畫圖

山居

趙東山

高枝密葉一時空倚杖沉吟落木中亂後山居無紀曆偶來林下見西風

讀宋人文

趙東山

六經明晦總關天白首窮經絕斷編石介不生王令死荒郊古塚鬼談玄

和葉宗茂題壁韻

汪東湖

華山一枕白雲高三峽扁舟駕怒濤出處自由人取舍聰明偏任世間勞

次韻題王仲肅書房畫壁

鄭樗菴

野石層層翠螺幽篁蒼樹晚煙多夢回渾作江南看滿壁秋聲落澗阿

建南九曲擢歌

鄭樗菴

擢歌聲遠慢亭空千載滄洲興味同今日紫陽山下客他年人喚采芝翁

舒城廬江道中

朱子範

田間農婦騎秧馬林下齋僧擊木魚試把一聯問課吏詩成能就馬前書

六安山中

朱子範

五十蹉跎六十翁暫拋筆硯領兵戎臨邊收盡逃亡卒馬上能開一石弓

訪程九萬不遇

葉茂齋

發松蘿醉未醒不辭騎馬到林垞道人何處尋龍去閒却一樓山色青

遣懷

唐白雲

白巖前白楊樹隨處柴門逐水開可是夜深風露冷流螢一箇度江來

寄錢公濟

程德堅

獨倚聽潺湲林木陰濃白晝閒他日共君何處飲舉盃相對九華山

贈同舟從軍林生

任本立

天無盡碧波長百尺雲帆挂夕陽海路音書何處寄北風征雁不成行

九賢詠

至元丙子李世達之亂萬戶李木魯敬下令屠殺休活

龍佐之歎人鄭安知歎休寧人陳宜孫知休寧趙象元程隆佐之



元龍弟元圭知婺源縣人方貢孫知縣程克柔佐之蓋諸公有惠于邦邦甚大因各賦一詩 金夢巖

陰谷難回草木春一言能廣好生仁百年桑梓無鋒鏑知是公為首倡人

右同知徽州事立公龍文 越國聞孫衆所宗力修文德化兵鋒天如不為吾邦計一日安能得二龍

右徽州路治中汪公元龍 四野悲歌不忍聞直將仁義動三軍至今來往沙溪土猶有人傳鄭令君

右知歙縣事鄭公安 生民塗炭世多虞保聚功深與衆殊坐遣一方成按堵非齋元不是迂儒

右知休寧縣事陳公宜孫 請命轅門事可徵為民寧復計金繒花封細讀題名記只有先生不負丞

右休寧丞趙公象元 一尉能安百里民熙熙耕鑿幾回春往來共指黃墩廟忠壯雲仍世有人

漢漢風塵靖一鄉書聲重起晦翁堂試評海內瘡痍郡誰似元方與季方

右知婺源縣事汪公元圭 聞君家世出秋崖鄉邑鳴琴衆所諧德政况當兵燹後甘棠終古繫民懷

右知休寧縣事方公貢孫 肯憚區區簿領煩左持文牘右繫鞅民安盜戢君能事不愧當年武狀元

四皓圖

局回何曾肯放閒看來着着是機關當時汨沒知何限幸爾圍棋不出山

偶成

燕子穿花帶雨飛杜鵑聲苦勸人歸靜觀世事何時了小吏敲門逼戰衣

月夜與曰欽朱先生坐草齋

草屋儲書傍竹低屋東野草與牆齊夜深開戶放月入不耐莎雞竹外啼

題小畫留別韓文忠二尹

范緝齋 范平仲



夜來夢到吳塘路月冷霜寒白鴈啼今日題詩看畫處隔江山色是淮西  
苦熱一 曹東白

樹影團團久不移日當亭午更遲遲不知酷暑還多少到得秋風葉落時  
二

六合炎炎暑氣浮火雲如水向西流南風不解人間愠只在君王殿閣頭  
途中即事 呂德昭

怪柳類人懸愁瘦好花笑客逞嬌容小橋路轉清溪曲水滿山槽確自春  
過汝寧府 孫思傑

鴛鴦池邊春草青居人云是蔡州城當時雪夜擒元濟消得裴公一戰兵  
題秋江獨釣圖 韓樵墅

孤舟蕩漾出江千秋水涵空綠樹寒更盡水源尋絕境莫教征稅及漁竿  
洪武癸亥春以公事出會寧北境一 鄭居貞

答納城邊春水生百花原上骨縱橫荒郊露宿不成寐一夜大風吹到明

解鞍夜宿速荒川漠漠平沙祇見天睡覺忽驚風露冷你看斗柄已西旋  
二

北出長城古塞邊荒松落日少人煙隔河又是河西地過得燉煌是酒泉  
三

雪山高聳入青雲下有黃河一帶分粉堞數家高作塞黃羊千百動成羣  
四

沙葱野韭隨時采蘆酒黃羊取次嘗萬里驅馳關塞外忽驚風物憶江鄉  
五

山下荒城古會州唐家當日此防秋英雄已矣空形勝惟見黃河水自流  
六

黃河岸上雪山前駝馬如雲記昔年部落一從星散後却抄民籍學耕田  
七

八



荒原人家今少存好田俱是官軍屯前山遙見黑城子渴飲不知河水渾  
題子陵釣臺

富貴都歸一釣竿高風贏得古今看雲臺冠冕須臾事不及羊裘耐歲寒  
漢將射獵

將軍意氣自豪雄驍騎翩翩入塞中頑石向來猶沒矢肯教真虎匿荒叢  
梅花

花香未入離騷譜實熟堪調商鼎中用舍在天無預已不須回首問東風  
鳳池四景一

玉殿分行曉侍班退朝花底珊瑚鳳池春暖多清暇自把龍涎試博山  
一

我冠天上紫薇郎染翰朝侍 玉皇賜得香羅輕疊雪西清閒坐午風涼  
二

金井梧桐落葉稀傳宣初罷出彤闈玉堂學士多相識共載雕鞍馬上歸  
三

四

滕六飛花舞朔風絲綸閣下繡簾籠玉堂半醉宮壺酒坐擁金鑪獸炭紅  
聞鴈憶弟百戶佑會別海州

夜下江城每並歸日長沙渚更相依一從嘹唳雲霄後南北隨時各自飛  
天津遇滕自明都憲

二

天津橋上水雲橫紅蓼灘頭暫駐兵行盡人家無犬吠却從海口看潮生  
一

王師萬里下蒼叢旗轉天津快午風忽遇舊游中執法暫同盃酒話征東  
虎圖

腥風凜凜出山河吮血磨牙奈尔何力困有時遭急縛畫堂常見寢皮多  
武帝馬圖

相如歌頌雖無敵汲黯忠言未可輕若使武皇能早悟龍駒不在渥洼生  
十八學士登瀛圖

吳以聲



附鳳板龍幾後英一時遭遇若登瀛不知獻納論思際曾亦陳詩到鶴鳴  
江右平寇卷和韻為致政都憲程公賦一  
蘇景元

二 繻衣持斧不辭艱獨領孤軍入萬山生縛渠魁破巢穴萌芽不遣一人還

三 雲從霧卷見神奇賊死民安在片時贏得童謠滿江右南征從此罷王師

四 解下先年位上卿月明京國萬方清 君王奠枕無邊慮幸和鏡歌頌太平

編約年久汗痕斑會領偏師碎鐵山功遂名成乞歸去松楸千樹古城關

新安文獻志卷五十七 甲集

新安文獻志卷五十八 甲集

詩雜體

龍尾硯同毛隨彥時聯句

程北山

秋水清以駛歛山文且堅程誰將玉斧琢製此月樣圓想當結繩後要

使鳥跡傳雕鏤見骨格豈與瓦礫全毛坡陁百氏團泓澄九經淵墨海

不復見柯巖那可肩星稀涵緯象眉綠生春妍程規模異鎔鐵濡寫殊

懷鈔正當秋兔穎發此霜松煙毛一從毛楮遊幾作虫魚箋徵辭想妃

子搵首懷張顛寧同李生瘞聊續胡公鑄程常疑老蚌殼浸潤生膏涎

毛堅踰鵞池鑄質謝銅臺埏紛紛况多偽渴雀同扼鞭程琳幻隱多水

十年寄所宣池光斂墨色雲氣開毫聯翔鸞及垂露逸勢徒飛騫毛誰

云過珪璧或用磨戈鋌吾今欲焚棄負耒歸園田程

泛舟鑑湖同趙來叔趙叔問聯句 程北山  
春風卷三江雨霽暗秦望今晨風日佳遠目聊一放致道人情暫愉快



天宇亦清曠近將一葉舟遠破萬里浪叔問澄波撥寒醅疊嶺新障  
致道飄搖過餘芳容與矚孤漾叔問停雲冒山巔新綠浮天上枯腸吐  
輕黃歎峯抹晴漲遠水沒輕鷗翳禽變圓吭鑑湖清可啜莢菜柔堪餉  
來叔時當被楔及路指蘭亭嚮豈無謫仙盃聊舉剡溪榜叔問吟箋灑  
餘研茶竈發新湯徜徉寫幽憂蕭爽絕纖埃年華自繁穠世故足悽愴  
致道弔古意雖遐感時心自亮來叔雄濤折東南舊煤分霸王梅梁寄  
遺靈禹跡疑可訪星分九土毛帶挽百川泮胼胝識神姦玉帛來蛭強  
規模至今存形勢亦云壯致道膽背信焦思金範徒審象當年浣紗人  
絳縷起窮巷姑胥失層臺榛棘遶青嶂彼姝者誰子婉孌固難忘撫事  
卽元龜終古可懲創叔問求懷文靖公造厦得良匠平生滄海志願豈  
矜岫愧笑談遣諸兒百萬皆膽喪晚節終自完流言亦何妄安知彼天  
游中有無盡藏致道觸目發長謠懷人獨惆悵來叔入木想八分登山  
知幾兩風流四明客投老志蓬閨玄熊殊夢間鳴鶴比狂尚殷勤覽陳

沈沈慨有餘快致道雲雷正經綸兵甲相磨礪虎龍驅七萃鶴張兩  
廣帥維丞相度餉倚晉公混足食佇流錢宣恩同挾纊顧慙已么麼安  
處官冗長短拙更何裨恩私誠謬降猶能樂閒適深恐遭譴讓叔問故  
應方虎閣不乏廉蘭將秘計走關氏奇功收跳盪無煩秦庭哭坐使楚  
軍張何當濯龍津歸擁雲臺仗官儀見炎靈玉氣蓋芒碭專車戮防風  
掩骸收骨項致道祿山終自焚僕固胡能誑來叔雍容兩宮還娛樂天  
下養丹會肅鳧越花深度雞唱叔問馬牛縱山林弓矢戢秦鞞致道錢  
鏞特豐盈壺篋更勞迂周室已再安漢業欣重剏來叔返予綿上耕酌  
我兵厨釀致道昂昂妙高叟辭藻舍人樣方為東山起朝論深倚仗金  
昆固神秀獨立起革行深嚴職右府折中歸至當伊予最崎孤艱阨隨  
所傍幾驚虎尾履分委魚腹葬偶然還一處已幸神所相矧復陪清游  
快飲吸長江叔問深慚抗塵容豈敢窺雅量文衡久已持宗盟從此元  
駟驥政駟驥駑駘駑駘駑駘徒頡頏雄筆掃千軍榮光高萬丈清朝尊陸廉羣枉







訶題猶伏回螺蚌視三神盃盜閱四隩參旗摩右肩崑苑踏左足東營  
營蟻磨旋戢戢蜂房簇羶俎壓前牖雲瓢堅半菽壻曆測尊盧年桴窮  
沃焦谷疇非浮點漚吾亦寄粒粟回氣形孰融結高深誰濟蠹媯皇不  
能補共工多事觸東飛思騰虛激殫精馳迫矚浩浩垠涯渾渾渙渙邊  
幅壻百刻倏夕潮九行遍肱胸達觀等鵬鷲殊趨般燕蝠回仙馭鞭虬  
螭神駕軌驪駮寰中無道照象外有玄燭東推尋製字蒼究攷畫卦必  
鷓變既日滋百靈遂宵哭壻某氏馬錫三何人鰲釣六底所真蓬瀛是  
聞自濠濮回佳辰每難值奇賞詎嫌數達士多放曠拘儒例跋踖東味  
同僑札交臭異智輔族稽首禮初梅掀髯叫餘菊壻節屆小大寒歲得  
中下熟野禮講蜡迎依朋閱難逐回皴膚剝枯鮮瘦髮立凍木青鍼油  
麥麩絳粒茁嬰東烏龍特差我白鴈幾灣沈霞譙抹微綃煙市皺輕  
穀壻畫嶂屏橫縱字溪篆直曲蘭非灌能馨栢豈滅可禿回長崗脩蛇  
馳短阜矮鬣縮一塔聳錐穎千畦界棋局東冷祠逃黠魘荒塚嚇鷓鴣

汲窟什估棹獲場眠碌礪壻橡實翻揮鞭箭萌認鞭斷莽啼潛鈎斬雞  
嚼偃殼棘回樵肩瘡長鏡獵臂袒偏聚相勞聲阿邪力作響蓬撲壻聞  
磬認禪窻指藩窺佛屋邃森踰二林美秀柙三竺回籠影夜龕燈板聲  
曉堂粥匪經陸老學孰識陳尊宿壻兵比休虎屯盜俱就鯨戮釋縛衍  
新會燧亭墮舊築回連營釋鞞琫四野競畚梏別墅喧榼壺園扉靜敲  
小東今各有襁袍昔俱無占畜駸駸興運開沓沓壯觀復回閭閻一燼  
空棟宇萬礎續貨屨富鮑鱸米市積種桂東登臨恣夷猶坐息賴亭毒  
掃陰開晚晴破汨作春燠回曉曉覺龜紋涸澮開瓦卜昏聲沸羣鷓暮  
色隱孤鶩東店遙旅叱驢隴隔穉喚犢鳩謠音嘶嘲僂荷步不回浦  
叙出漁艇碇磧泊商舫僧包側肩挑奚囊俯腰束東護舍荒吠信投林  
倦翔速驛蹄雷鏗錡野燎星燁煜壻警柵報蓼蓼栖禡呼別別相與忘  
是非足堪了昏旭回矧茲瑞六雲預云宜百穀狐兔各深藏螭蟻靡遺  
育回潛魚未撥刺駭獸或躑躅倒影已巔崖餘凌尚丘麓東宿孽芽嫩



黃流漸醞嬌綠聯拳一春鋤格磔雙屬玉稻苗攬奇辛壁書噴幽馥  
蟄戶咸伺霆燒痕漸矜曝回審觀寒向闌追念暑嘗酷涼既先炮燁温  
又救鞞疥回大化有乘除勝殘無斷屬是邦信魏魏厥聞久豈豈東淮  
海分揚州斗牛躔北陸秦漢會稽吳隋唐新定睦回戶歌楚人騷家佩  
桐君錄入籠盡參芰盈室肯資菜東輝鳳遠媒翳祥麟晒童拈棟材茂  
倚桐冶仆乳鏐釜善賢守宋廣平與君劉文叔徵隱屈註旒哀悻極膏  
沫回緬懷解劍耕遐想負薪鶯咳唾變興亡吐嗟異榮辱東堯夫被儒  
衣耕叟闢家塾道味調漆膠誼聲協故祝善嚴范盛丞嘗軒萊恪尸祝  
勃興畏後生朋來樂私淑回駢肩長裾曳比屋短檠讀高科接踵武雅  
德蒸被服東委巷致聘旌徒步晒公餽車引大僕騶馬給上林箱回豈  
惟供爪牙固將倚心腹文華凌屈宋武畧邁頗牧東袁絲却腐闥丙吉  
雪冤獄差毫別同和立界辨剛愆善達汝媿稷臯退吾儕綺角中焉斂  
稟翰外也滅表爆回制詰訂芝其裡被折都郁四經審鈎弦三秀攻珞

瓊回處士傲貂紳俠徒競雞踟里閭劇華腴官府務涵濡善喝雉投彩  
瓊落鷓捷鳴飽高貲軼陶朱雄辨騁張祿東美釀壓郛筒大烹椎獮爆  
舞殘金鳳歌緩翠蛾回千樓向笛吹萬室陶巾漉餘尊落皂隸殘  
炙飫童僕東遐征罕齋糧幽寢或枕麪間嘗極備無一是耻蹕蹠回金  
彩剪勝幡沙囊篆符錄秋棗澗祥膏冬稻熬狼膈善蟾城市雖馮扶郊野  
尚軒轡四時務鋤耰千村鳴杆軸東顆粒本牛衣絲縷出蠶曲縑商何  
羨閩藥市勿詫蜀回盛年念疇昔微夢恍忽倏已知壯心違未覺老顏  
惡東久黏簿書編辛脫簪冕枯得與麋鹿羣敢兼熊魚欲回席珍非待  
聘有玉護韞匱冥心同子綦徐步效顏歎東一麾斷鸛班百舉閱餽告  
仙忝真應宗詩愧玄英屬回親故炊妖災怨讐騰謗誦字勿窘空空省  
躬危翠筆回卑飛類顛鷓逸步謝驂驪庶幾便憤悒焉能事鞞茶東雙  
洪洶奔濤孤孤滌疑瀑窻徒聚雪螢袍未釋銀鵠善蟾之子虞一夢伊人  
鄭七穆三足分鼎鐙兩鋒交箭鏃回髻髮其良陶糲疏就精鑿誠難角



妙染繆許啐餘首狂吟動千字豪飲輒百斛墨淡立兒研盃遲走童  
趣東自倚大戶寬豈畏險韻復膽癢生芒稜唾圓洗塵醜回登山石同  
憇臨流泉共劍被褐敵裘綺羹藜勝梁肉東磚鑪煎茶瓦豆釘芭履  
園無汗更花亭有醉翁款回稜踈摘塵柄莎軟敷絨褥藤陰皆惟憐松  
韻卽筠筩壻逸興春空雲耐交歲寒竹山腴嘖糟狸海異吮醬東黎  
斑肩鷓鴣端眼濯鸚鵡書窮蕭衍評奕妙王粲覆回生平嗜好迂我輩  
友誼篤矢詩一齋酬言志雙啓沃回析理精洛伊談史究溫涼望之真  
堂堂毛遂豈碌碌東虞初九百篇方朔三千牘酸醜糅鹽梅宋楠栽核  
樸回論文如有競見義每相勗燕樂思鹿鳴切磋慕淇澳東公直性所  
鍾辛勤起常夙枿佞請尚方枰妖官若簇回扣關嚙屢舉寓直被曾樸  
剛腸挫未衰勁氣老彌肅東百粵轉沅湘九河交濟灤竟驚舞波帆力  
弱掀淖輻回道異十獲禽理難百中鵠晞顏寧如愚尚老且緣督回浮  
榮等槐蟻往事付焦鹿樂天心自怡知命頽奚願東于野同人亨勿藥

無妄福攀附聯瀛登廣胖適沂浴回寄與本真率成章仍豐緝時能一  
來遊傾篋買醅錄回

續龍爪石壁題句克敏以元義兵萬戶守昱關與一聯于石壁遂  
善劉永嘉孔從 吳克敏

萬里西風起馬蹄金戈回日塞雲低未爲豫讓先亡趙欲效田單獨報  
齊怪石有痕龍已去落花無主鳥空啼至今天與英雄恨嗚咽泉聲下  
扎溪

欲雪與唐肅馬質王廉柯理聯句 朱風林

落木號千嶂九升重雲幕四郊野寒風未息肅江沅水全交滕六欣催

駕貴蜚廉怒拂旃窮陰播地軸九升急款奏仙匏擬絞天潢練肅將搜

月杵膠棟鷗蹲若待貴街犬喜爭跑玉藥期春放九升綃梭候夜拋巧

思裁六出肅重想壓千梢訪戴先尋棹九升禽吳已殼稍思營梁客賦

貴言畏党姬嘲地有遺蝗懼肅天無縱鷓嗚坎深終見滿堆聚定成包



霰漸鳴侵箔九升煙多散濕庖枯腸須沃酒肅噤齒不勝殺火盡僧顛  
縮貫囊空僕喙吹霸驢袍預襲廉藍馬燈頻敲鼎為團茶滌理詩愁凍  
筆鈔僵眠方自傲肅罷獵竟誰教竹行翻銀鳳廉松占偃素蛟晚來應  
可俟貴虛白映書巢九升

二十八舍歌示錢尉程

程北山

山川不捨驛與角亢鼻狝豚殊不惡委身投筆事氏羌何異天球薦房  
闡人心如面各不同蛇頭蝎尾吾安容脂韋肯效箕箒態拔劍撞斗真  
才雄少年食牛有餘氣大笑文章幾女工立談寧與子虛比危冠欲入  
明光宮功成築室休故丘作書重壁垂千秋宸奎一札呼不起閉門老  
死如黔婁亦來養生如養胃未羨昂精刀筆吏疲神畢慮子所詞鳳蒲  
鸞膠誰汝試曾參忘心身亦空身如丘井心如風君言作解皆魔鬼蒲  
柳松筠同盡耳三星在雷能幾許張拳自擊關南鼓遊龍作御雲生翼  
軫地蓋天從莫逆

酬林祖德程

程北山

建旗撫方面簪筆登雲衢除書無虛日念子何躊躇滿堂羅經史問字  
無停車平明戶外履接跡叩所需定坐為詳說從周述唐虞執經退食  
罷貝梵頗卷舒破魔無堅壘解髻皆明珠危絃寡知音寂寞空居諸成  
詩遠相寄尺鯉來東吳收之中十襲未好不可渝開緘嘆奇決已作東  
歸圖閉蕃着空舍誰辨公車書

用簡齋韻

方秋崖

建旗凜大將負弩紛前驅除此兩不能鋤荷則有餘滿畦老松非貧猶  
未饑虛平生錯料事不到齊王竿定無相攜人歲晚誰與娛執盃手欲  
龜風雪侵貂褸破顏劃孤嘯鬱屈終不舒危坐發深省寧若巾柴車成  
敗未可知蕪我瓜羊區收身黃齧棘心跡何裕如開口不言錢未害書  
生迂閉戶聊課詩政與俗士疎

和韻程

程傅之



金縷聽佳唱山鑪裊細煙石紫泉欲咽野人日偏長絲過蛛封巧巢成  
燕避涼竹君閒可款蘭友味相忘飽繫終歸魯瓜形曷相商土田聊自  
給漁釣且迷陽革故符誰應迤邐瑟自張木枝已拳曲小大詎堪量

夏日珠溪賦

方秋崖

金谷已塵土珠履如飄風石崇與平原癡處正尔同絲毫挂世網空錮  
南山銅竹窻理殘書久已不諱窮飽尊吾秋人許訪青蓮宮土甘蔬亦  
香小滴雲濛濛革革有鳴禽留我幽花叢木屑落飛談煙霏晚葱瓏

冷泉亭

方虛谷

金鞍驟紫陌詎識林下勝石苔爲誰碧我輩坐乃稱絲毫無愧容  
冷泉鏡竹樹亦如我不與春色競飽尊未用酌一見百慮醒土囊  
風無波此終定革履漢臣心恐未敵茲瑩木杪夜月孤庶其許相映

走筆次星崖先生訪道者不遇韻

汪東湖

金篆淡寒白石牀臥荒煙絲鞋踏露冷竹戶扃垂杆飽瓢懸空室工研

絡餘靴革履君勿訝

仲嘉被檄來吳按吏用非所長既足嘆息而或者妄相見窺議

益足笑云戲作十二辰歌

程北山

驅驥搏鼠難爲功不如置之牛皂中平生暴虎笑馮婦豈向兔脚分雌  
雄龍山從事盛德士達觀已悟蛇憐風馬曹五斗真如寄羊仲三徑終  
當回羣猴憎猿坐殊趣甕中醢雞無遠度從渠狗曲誚王生欲辨龍猪  
復誰語

讀十二辰詩卷後其餘作此

朱文公

夜聞空篋齧饑鼠曉駕羸牛耕廢圃特方虎圈聽豪夸舊業免園嗟莽  
鹵君看蟄龍臥三夕頭角不與蛇爭雄毀車殺馬罷馳逐烹羊酤酒聊  
從容手種猴桃垂架綠養得鷓鴣鳴角角客來犬吠催煮茶不用東家  
買猪肉

戲爲十二屬體詩贈汪萬里

呂德昭



鸞鼠渴飲清河流吳牛寒喘明月秋蝸角國分戰蠻觸至今人嗜功名  
求猛虎勢窮淺山隱狡兔計猾深穴謀時情澆薄不復古君懷曠達才  
學優驪龍明珠爛可摘青蛇古劍光芒浮奇才抱負蘊莫露哦詩耽酒  
能消憂駟馬漢卿貴可羨五羊秦相功難儔故知窮通古有命君解談  
玄推短修沐猴而冠頰拘束醢雞舞甕多謬悠君平簾下白晝靜花香  
清樾鶯啼幽烹犬藏弓事未定屠猪漁釣何如羞三百青錢拄行杖與  
君汗漫同遨遊

述懷

程北山

一生共悠悠今者曷不樂二十起東山誤爲微官縛三年瞬眸耳郵傳  
那又託四壁自蕭然青編束高閣五更霜鍾動起視星錯落六律聿其  
周忽忽更歲籥七哀哦幽韻感念驚獨鶴八極豈不廣衰懷了無託九  
原歎多賢死者那可作十里望煙村天墮去寥廓

代陳均輔贈馬則賢

黃後圃

江南星渚山水奇馬家桂子昌于醫此心契天雄傑者滿軒種杏仁間  
馳身雖如蟬蛻濁世活人遠志傳孫枝偶同瓜葛花屏下梅兄樊弟相  
追隨嗟予蜂房病溽暑熱烘腦子逾蒸炊難甘遂委庸醫手蒼黃連月  
累卵危有損無益智者哂因陳治法宜如斯言非草草果起死功當歸  
子夫何疑况又時當半夏月雨餘涼氣浮輕絳懸壺索實乏瓊報木瓜  
愧誦前人詩蘇耽橘紅井泉碧威靈仙術絳相期陰功百世固未艾芝  
田蘭畹春熙熙

三禽言

江天多

我友我友鞠衣黃裳一日不見尔何所翔尔何所藏飛鳴高樹去毋也  
不忘噫高樹如何噫綠陰正多噫右鶯  
燕燕尾不齊撇裂侵泥滓翻飛煙雨裏轉眼朱門委榛杞權門如市止  
復止天際翻飛鷹斂翅右燕  
布布穀哺哺雛雨苦苦去去乎吾苦苦吾苦苦吾顧吾姑右鳩



禽言和吳南溪

蔣雲叢

着衫拜婆低頭斂手殷勤多禮數從古不可磨何須日日鳴山阿子嗟  
禽兮勃溪之風處處是謝尔聲聲勸行禮  
姑惡姑惡阿婦聞之莫驚愕河東獅吼河間淫阿姑雖惡不為虐子嗟  
禽兮而知姑惡猶庶幾人家婦惡而不知

禽言何可得

姚廷用

禽言何可得日日叫前山可得或可得可失亦不難得隴更望蜀得魚  
復忘筌得易失恐易奚若不得安風塵起四境大地多被漫去歲接淮  
甸今年迫潼關貪饕與奸黠要汲海水乾天平苟可得大運終須遠天  
苟不可得烈火焚茅菅桓桓將帥出凜凜冰刀寒秋高馬肥驟一掃霜  
葉丹胡如雙溪老穩坐溪山間得失無罣胸次收波瀾倦處自歌枕  
興來一憑闌紫扉春寂寂山泉夜潺潺

曉起

在北山

霜林一望極空寒曉起催人覺夢殘黃霧帶晴江渺渺勁風翻影露漙漙  
漙香飄引篆新添火髮密勝簪慢整冠藏拙懶便惟少事興來閒借遠  
山看

菩薩蠻

朱文公

晚紅飛盡春寒淺淺寒春盡飛紅晚尊酒綠陰繁繁陰綠酒尊 老仙  
詩句好好句詩仙老長恨送年芳芳年送恨長

次圭父韻

朱文公

暮江寒碧紫長路路長紫碧寒江暮花塢夕陽斜斜陽夕塢花 客愁  
無勝集集勝無愁客醒似醉多情情多醉似醒

偶成

吳韻中

春天曙日浮雲錦暗野晴風灑露珠新樹小花穿舞蝶暖波芳藻戲游  
魚

題廣寧雙塔寺

程襄毅公









原件短缺



媒問婺汝何傷汝為國秀時辛苦事營桑間瑟順為正婉婉禮自將笄  
中有練裙衣上無明璫貧女古難嫁賣犬辨資裝中年得夫婿憧憧拜  
姑璋蕭客采蘋蕪洗手供羹湯良人正少年相期家道昌良緣天所妬  
夫婿奄云亡自從夫婿亡十年守空房素帷代錦幃莒席易牙牀孤眠  
耿夜半單立黯昏黃筆影徘徊鞅鞅情彷徨皓月照枕衾暴雨頽垣  
墻獨宿誰呼喚獨語誰交相如凌空失翼如涉川無梁婺來吾語汝琴  
瑟貴更張汝篋既單薄汝門復淒涼汝寒何以衣汝饑何以糧紡績終  
難給春及勞欲僵死者不復起生者宜自詳隣有美丈夫顯顯更昂昂  
牛羊量用谷金玉堆滿堂畫梁青瓊閣珠簾捲瓊瑤戶金彈丸寶鞍  
青絲韁旌旗明晚霞劔戟磨秋霜奴隸厭綺紈犬猫棄銀鐙門下粲珠  
履庭前沸笙簧出則專城居入則侍明光一呼千夫諾一指萬夫張一  
笑生羽翼一怒起鋒芒吾慕者寒脩與汝解佩纒以此窈窕婦配彼駟  
騮郎花樹戲蛺蝶蓮浦浴鴛鴦無煩賦藕花且喜華枯楊何妨鸞舞鏡

會黃泉右按媒答問宋卿先生湖州公次炎濟鼎之所作也先生登宋咸  
尉德祐乙亥天兵將至池州統制張林潛納款請以城降先生奉母  
亡歸教授鄉里或勸之仕先生賦是詩以見意大德十一年以壽終于家  
後三十二年復為至元之二年文自黃竹入郡其孫師中滴在郡中出  
是詩俾文書之嗚呼讀柳子河間傳知邪之得以敗正讀先生是詩知  
正之所以勝邪天理之在心猶日月之在天也可也鄉後學  
喪其光明若先生之心孰得而缺蝕之哉雖與日月爭光可也鄉後學  
謹記

歲寒問答辭同舍軒江許叔異吳興馬伯城九江方叔高既選  
俎山童歌之辭程駮南

松柏何繁繁毫末小排雲端不作梁棟守歲寒曾不如桃李花朝榮  
暮謝得實并金盤昂藏千百年一待鳳與鸞松柏何繁繁古來材大

用則難右問松君勿言時則然受命既獨賦性偏高枝中梁柱小枝可以為車船材不

見識全吾天鳳鸞不巢且任百鳥喧寧同歲寒老不與春風妍君勿言

時則然大匠一過肯棄猶右松栝



五雜組二首

五雜組雲錦囊往復還雙鳳凰不得已思故鄉  
五雜組羅繡襦往復還同隊魚不得已長客居

詹承旨

自君之出矣

葉梅嶠

自君之出矣萬里恒相思君思我處如我思君時  
自君之出矣寶奩珠網多憔悴懶開鏡對鏡雙蛾

錦鵲夜逸

趙吟嘯

草徑鬱紆溪隔村誰抽關鑄通孤鴛林焚搜糾崖广深岸曲枯青流交  
根初疑布罟鼠盜夜又恐缺月孤乘昏死殼枯梗秘蹤跡老圍勸我增

垣藩

登瀛亭行志瀛亭者汝林金侯開居之所營也昔唐房玄齡于  
登瀛之仙以榮之今侯之經營斯亭也其將有待於時之清寧  
而佐夫太平者乎然予愛其亭之宏名之清故於其聲以鳴之

侯時為萬戶鎮城  
子為延陵吳武成也

吳韞中

宏亭嶺嶸凌青冥驚濤峻嶒乘澄泓頰楹瓊屏凝清馨停筆鳴笙華行  
觥曾橫輕兵騰征朝英聲震轟層城崩墮能傾情精明經螢燈成名於  
平生應昇鵬程榮登瀛

題竹洲會孫吳逢原友梅堂

汪紫巖

簷簷橫煙洲其間移羅浮髯梢汗紅塵瓊筵諧清游茄沉天次霜琴虛

人當樓茲特如寒盟翻為青松羞

五平

肅氣屈衆鷲挺立自潔白萬壑迥雪月一榦掃水石讀易義有復擬道  
信取益物態任冷暖歲晏此莫逆

五側

題汪梅牖盤隱

汪紫巖

灣環長溪交縹繞石徑抱山中松風寒俗子不可到

五平

歲除大雪傲歐蘇禁體成一十八韻請諸友皆用臘月廿日帝

欲雪為起句第三句而下上句皆平聲下句皆側聲必相聯屬

結後二句不對偶及不引古人切雪中故事 詹承旨



臘月廿日帝欲雪屏翳巽一聽所召同雲垂空羣陰施大塊噫氣萬籟  
嘯神機周旋功無私奇劖剪鏤巧絕妙俄驚踈踈來斜飛陡覺密密失  
遠眺山從洪荒藏諸峯并向混沌鑿一竅江湖寒深侵龍龜石壁凍裂  
隨隼鷗郊原迷漫停田菟浦淑迥結息網釣先生金城連樓居冷透鐵  
甲濕檜旄茅簷懸冰凝晴輝楮幌不火晁夜照威摧崖松容難凋力壓  
檻竹尾不掉詩翁愁吟新春初野叟走報稔歲兆誰加豪門眠方醒乍  
出暖閣見且笑裘裳相迎添鮮妍齒頰掩映鬪美耀後猊形奇言俱誇  
僕卒手塑像克肖惟知高堂觀嚴凝豈念陋室苦料峭薪鑪灰殘嗟煙  
消市米價湧閉廩糶鶉衣孤貧多凌兢鷓食餓殍各唁弔何當長戈揮  
玄氛共覩霽旭出海嶠七平

寄吳熙中

李本立

不見故人何處覓秋心見月轉添愁山山望斷孤雲出一個飛鴻肯到  
不

效山谷體

胡茗溪

青玻璃色瑩長空爛銀盤挂屋山東晚涼徐度一襟風天分風月相管  
領對之技癢誰能忍吟哦自恨詩才窘掃寬露坐發興新浮蛆琰琰拋  
青春不妨舉盞成三人

歌風臺

汪稱隱

碑存溪石高嵯峨漢字漫滅新鐫訛臺非舊築行人過赤帝當年布衣  
起老嫗悲啼白龍死芒碭生雲凝夜紫一朝花發咸陽春老劍磨血消  
京塵歸來故里天上人千古斜陽愁色裏草沒荒城孤掉尾不信英雄  
化為鬼

與劉簿觀雪用東坡聚星堂韻

方秋崖

江臯黯黯飛雲葉浙瀝破窻鳴急雪亂飄密灑寒正苦低唱淺斟癡亦  
絕凍冷可但筆鋒健醒狂不覺發齒折留連急景聊從容俯仰幻塵空  
變滅舒眉一笑各雲散轉眼百年如電掣風凝光眩眼欲花酒帶潮紅



臉生頰劇誇陶語何區區等與謝吟爭屑屑醉翁出令凡馬空坡老揮  
毫風燕瞥兩公仙去各已久一代風流尚誰說吸鯨今夕不可辭醉中  
有句鏘如鐵

次容齋喜雪蘇體二十四韻

方虛谷

煨寒節若無嗟若不寒而煨疫癘作巨堪窮臘陽氣泄况乃炎方土風  
惡大塊積蓄久醞釀元造幹回驟飄落朝曦掩翳九烏死夜吹呼號萬  
騎掠餓歲纒轟爆竹聲鞭春初截土牛角芳芽脆甲縮芹薺饑喙揭腸  
訴烏鵲小遲尚可詫祥瑞大快一舉洗汙濁蠶虫且當伏深穴貞松決  
不什幽壑孤舟獨釣柳何奇衡門空宇陶如昨凍手三喚復三咻泥袂  
一前仍一却未妨獵駟濕鞍韉政恐征車埋軫較誰方輕暖擁文貂我  
欲豪飲欠金錯雀窺困廩絕秕糠蛛蟬簞穰收網絡老人畏怯小兒喜  
富翁驕傲寒士虐蜚蜮定復掃蠻蠻歸鴈未敢度幽朔街枚猛將死不  
懼煨芋野僧貧亦樂九頭鬼車恐逃遁三足畢方能距躍眼生燈暈蝶

栩栩膚遊衾稜維喔喔預占麥餌堆村場絕喜米價減郭郭忽得膚使  
奇麗句韻未易磨筆屢閣頽陰故事聚星堂汶斐先生元祐脚禁體物  
語繼醉翁即今再見蘇龍學幸公憂國僕無與煎水烹茶聊一酌

竹枝歌八首

孫良山

灘頭堆頭君莫行瞿塘峽裏不論程龍吟小雨蜀天黑等有明朝春水

生

行盡三巴三曲流一灘自有一生愁明朝已過夷陵岸更宿江陵漁笛

洲

西 漢漢神雷蛇飲漢陰崖晴天虎印泥萬里中原那有此憐君更過鬼門

峽

規 路險陰森四時寒雲鳥道挂天危荒亭敗驛此何處望帝江山號子

巴

子城荒非昔人公孫何處問遺民千年惟有武侯碛留與踏歌行早



春

漢世明妃猶有村荒祠歌舞與招魂胡琴好入巴渝曲萬里還鄉釀酒

黃牛廟前鷓鴣樓黃茅宮外鵬啼估客醉神巫媪醉青林日轉風淒

峽山削出青巖峨峽水勻成綠不波頻平山水未能得奈此猿聲朝夕

思家五首竹枝體

汪杏山

六旬餘父身長健九十重親髮不華高堂無人供滄漣如何遊子不思

淮陰母家田未賞汾曲先廬屋已斜人生 毛頗關念如何遊子不思

婦授草汁浴蠻子婢灸松明治泉麻黃西陌更耘麥如何遊子不思

家

兒多廢學自澆花女近事人今抱牙兒女長成憂失教如何遊子不思

家

荷潭軒前水浮鴨翠眉亭下柳藏鷓鴣亦要了寧春照管如何遊子不思

家

江行歌七首

胡存菴

大石如屋堆雲沙小石如甕排江涯着我輕舟石中過風吹漁唱出蘆

花

一點白鷺煙渚沒數痕青山天際生隔岸人家好茅屋石楠花底小橋

橫

船頭酒壺深貯月枕尾茶竈長烹煙宗老談易夜未已舟行妙意古無

前雲峯先生示教易本義通釋

澗水泠泠漾白雲兩峯紫翠對溪門平生規此誅茅地却在牛羊黃葉



村溪上樹留龍爪青山前路有虎蹄腥陳跡誰云不足顧秋風回首立漁  
汀兩舟前日離常山三舟今日下嚴灘高帆爭風問何事不似漁蓬臥釣  
灣看山妙處在微雨雨後青紅抹夕陽江南山色世無比畫手安得王西  
莊  
江上八首  
汪朝宗  
廬山萬八千丈高江水日夜送波濤看山飲水自成趣何用長竿曳巨  
鼇  
大山小山松樹齊千聲萬聲子規啼攬衣起舞夕露下三更月落吳城  
西  
褚磯口闊浪如山官船客船前後灣明日天晴大家喜看我鼓棹中流

還象牙灘上百花開參差時復見樓臺翠香芹菜綠沙出雪色鱗魚上水  
來大姑廟前花草香女兒港口江水長江水江花思無限目斷鞋山又夕  
陽  
江上四月雨綿綿連日北風何大顛且買活魚炊晚飯皖城對岸泊歸  
船  
英英白雲多在山愧我幾曾如此閒願江東下數千里祇許擎舟十日  
還  
蛾眉今日爲君開一色青天絕點埃浩想往時經濟事赤龍風雨過江  
來  
竹枝辭三首送金如山往婺州  
黃後圃  
送別臨塘快放舟澄江渺渺消人愁蘋花滿棹應相笑也趁春風過婺



桃花雨晴春水生東風去船如箭行鯉魚活煮蘭溪酒蓬底醉眠江月

春城鼓角舊金華莫忘長干桃李花千金重載布帆穩後月月圓人到

家  
竹枝辭八首寫征婦意  
曹東白

郎行萬里戍雲中十約歸期九度空郎自官高奴自老悠悠生死不相

同  
乳鴉啼罷月濛濛門掩朱扉四五重到底此心關不住為郎飛夢過廬

龍  
湖上東風吹柳枝湖邊士女笑相隨關西去國三千里惆悵此情郎不

知  
灤水河邊首着枯鎗竿嶺上雪模糊憂郎寒冷思郎苦不忍垂簾向火

灤  
鴛鴦機上織回文線去絲來字字真幾度寄君還又罷漢家不是舊將

軍  
八十尊姑拜不聞倚閭終日為思君為歸若到山高處十萬回頭望白

雲  
深院無人書掩門燕歸時節又黃昏小環莫炙銀缸照形影相隨越斷

鬼  
朱顏綠鬢受孤單鬼病侵尋命已慳若得此身能化石青山終久見夫

還  
和太史子玄四季樂辭四首  
吳克敏

湖燕哺兒生羽翼柳花不動春無力丫鬟擊月下玉臺照見江南遠山

色  
檳榔葉青荔子紅蠻煙如織隔遠空畫堂沈沈白日靜鸚哥對語黃金

檳榔葉青荔子紅蠻煙如織隔遠空畫堂沈沈白日靜鸚哥對語黃金



籠  
金風鏘鏘入林杪夜折蓮房下秋沼水仙捉月醉不歸翠波流出紅船  
小  
錦帷繡褥沉香牀翠衾對織金鴛鴦珊瑚屏風琥珀枕良人不來冬夜  
長

野人四時辭四首

姚廷用

野人看花花滿叢紅紅白白媚東風粉蝶黃蜂不知處一時飛過小園  
東  
野人牀不受暑赤日行空無處逃走向松林脫巾憤忽有好風吹鬢  
毛  
野人看月如銀盤玉露洗空霜葉丹東家兒女笙歌暖西家兒女砧杵  
寒  
野人曝背向墻隈時飲茅柴酒兩盃落葉滿階渾不掃拄杖去尋江上

梅

短歌行贈別一首

汪朝宗

歌停雲酌春酒送君發為君壽彈青萍絃素瑟何以贈雙白璧車兒膏  
馬兒秣時載陽鳴鶴鴝戒僕夫肅祖征涉還道揚飛旌慰爾民崇爾德  
君子心我無憾

蘆鴈辭四解

詹承旨

沙塞冷雙南飛好兄弟毋相違解落平沙立風露數聲中驚漁父解月  
懸鏡蘆花霜夢海門秋夜長解衡陽山稻梁足豈志歸極所欲解

湖彭道中雜書四首

方虛谷

一夜大雷電神喧復鬼譁橫岡風折樹漲路雨頽沙小小閒籬落依然

自野花

近傳羣盜息稍免大軍興閉戶聞村學挑包遇野僧籬間犬見客狂吠  
極堪憎



陰風號亂樹薄日照荒原古堠泥埋字空廬棘障門無人天欲暮誰謂  
不銷魂  
四月農家雨新晴冷似秋炊煙籠屋潤田水破畦流老父攜孫子牽耕  
教小牛

豫章南閣臨眺二首

汪朝宗

章江澄夕景杞樹集涼颼疊閣連雲起凝笳帶月悲因茲懷舊感登覽  
獨移時  
雲容麗藻井霞彩炫芝楣帝子遙臨日洪州盛樂時良遊念遐躅清賞  
愜幽期

感興四首

汪康範

暑往寒來如電泡年年門外閉花草世事紛紛自顛倒青山眼底最多  
情日日向人渾不老  
膠擾浮生事若麻世路崎嶇易覆車爭如清淨山人家靜觀無掌付一

笑出戶款款飛松花

一樹雪花白如玉辛夷爲車荷爲屋閒中享此亦清福一雙沙禽竹上  
啼對客取琴彈一曲

坐讀南華一卷經富貴百年如郵亭人生怒癭空成瓶香鑪縷煙風浩  
蕩白鳥點破前山青

次韻擬杜陵曲江體五首

洪杏庭

天台山深秋月明幽人見月偏多情伐木賡詩求友生我亦彈琴不成  
謂風清露冷越江橫  
快劍斲水水不絕同心何恨音書闕我高兩地中腸熱還憐瘦馬繫堂  
階得似青鞋踏沙月

百川赴海海不滿志士意長日月短金丹九轉成功晚台山采藥聽清  
猿剩欲投箸寄閒散

城中幘峯高插天竹房煮茗僧汲泉平江雲影危闌前秋風吹去一隻



鶴老我回頭三十年  
洞天夜燕桃花下  
座中都是能文者  
銀燭穿山開車馬  
當年此會幾人  
存安得雲龍逐東野

謁雲藍山先越公墓

汪紫巖

此生未展雲藍墓鬱鬱甘棠孫子情  
今度忽為寒食客欣欣喬木歲時  
榮堯天日月重光炯越國江山幾變更  
回首千年有歸鶴練溪新漲匝  
春城

別鄉人席間作

孫奕山

昔向率山別離愁尚故鄉  
今來嶺亭聚縱樂是殊方  
新草偷江綠垂楊  
配酒黃子仍先我去留滯奈耕桑

喜雨

方虛谷

驟漲階前可泛舟  
天低近屋火雲收  
竹戶紙窗清灑灑  
葛衫紗帳冷脩脩  
脩秋館梧桐羈客恨  
春郊楊柳少年愁  
移得此聲來六月  
人人喜色上

看頭

崑浦早望

孫奕山

千峯倒影碧粼粼  
羣寫桐江最逼真  
每逢佳處謀書室  
漸恐山靈不信人

至日建中次李真韻

胡雙湖

盡日勞勞煙雨裏  
此行誰識是歟非  
翩然芒屨相隨處  
正見梅花欲放時  
太極便堪窺易蘊  
黃鍾初可驗葭飛  
天心子半無移改  
細玩堯夫至日詩

答留題東山者

趙東山

詩翁扶醉上危顛  
得意留題拂短垣  
嗔喜未忘春夢後  
是非猶記劫灰前  
弓刀幾處排堅陣  
風月何人共小軒  
失脚黃塵應有恨  
元龍終不羨求田

見梅雜興

陸曉山



人間誰是識梅真，集寶來花後世心。何似只如三代日，分甘投老萬山深。寄來陸凱渾多事，說到林逋亦費吟。耿耿知音惟月在，無言相看古猶今。筋虛豁云太初軒生語學敏高梅與三十首吟蓋此一叙

歸至山中戲集古句集古  
終日思歸此日歸，野人休誦北山移。且看欲盡花經眼，可忍醒來雨打稀。

弔鶴集詩句

汪紫巖

有鶴在林白華翻其鳴，斯干風雨所漂搖。鶴鳴求其友生代木不狩不獵，我檀麇之以肱。無羊宛其死矣，山有樞寧莫之懲。汚水英英白雲

白華毋金玉尔音，白駒如何贖兮。黃鳥實勞我心。白華

集杜詩二十句壽叔文潘先生其子章甫時為起居注故詩意

及之

詹承吉

冰壺玉鑑懸清秋，神仙中人不易得。性時文彩動人主，主怪一日聲輝

初憶昨逍遙，供奉班風雨。不動安如山，詞源倒流三峽水。時聞雜佩聲，珊珊先生早賦歸。去來鯨魚拔浪滄溟開，致身福地何蕭爽。石田茅屋荒蒼苔，繡衣春當霄漢立。雲近蓬萊常五色，池上千有鳳毛秋水為。神玉為骨百花潭水即滄浪，星宮之君醉瓊漿。西望瑤池降玉母，南極老人應壽昌。

題醉歸淵明圖集陶句

呂德昭

窮巷寡塵鞅，閒居離世紛。投策命晨裝，壺漿勞近隣。主人解予意，一遇盡殷勤。有酒斟酌之，淹留忘宵晨。情知新知勸，何必骨肉親。數斟已復醉，君當恕醉人。

集陶句題吳季文經鉤軒

呂德昭

結廬在人境，繞屋樹扶疎。園林無俗情，奔浪林野娛。開荒南野際，新疇復應金。遊好在六經，歷覽千載書。雖有荷鋤倦，濁醪解饑劬。奇文足欣賞，慨然念黃虞。古人惜寸陰，君今復何如。



題四禽圖集詩經句

韓樵墅

楊柳依依采薇燕燕于飛燕燕于誰之屋正月曰止曰時綿綿海外有

截長發曷云能來雄雉曰歸曰歸采薇秋以為期春日載陽七月實

然來思白駒洵有情兮苑丘我儀圖之丞民右垂楊海燕

猗彼女桑七月其葉有沃隰桑宛彼鳴鳩小宛無啄我粟黃鳥食我桑

黽泮水曰既醉止初進慎尔優游白駒戒其傷汝秋暵于嗟鳩兮樂

子之無知騶有以陰以雨谷風尚求其雌小弁右桑樹鳴鳩

交交黃鳥黃鳥在彼空谷白駒熠燿其羽東山無集于穀黃鳥南有喬

木漢廣亦集爰止卷阿既曰得止南山嚶其鳴矣伐木我聞其聲人

懷我好音泮水中須我友實獲我心綠衣右喬木黃鳥

維常之華采芣鄂不韡韡常棣有懷二人小宛兄及弟矣斯于題彼脊

令小宛載飛載止河彼我之懷矣雄雉此令兄弟角弓右常棣脊令

甲集

新安文獻志卷六十

甲集

詩餘

點絳脣二首無題

汪龍溪

新月娟娟夜寒江靜山衽斗起來搔首梅影橫窗瘦  
好箇霜天閒却

傳盃手君知否亂鴉啼後歸興濃如酒  
高柳蟬嘶採菱歌斷秋風起晚雲水髻湖上山橫翠  
簾捲西樓過雨

涼生袂天如水畫樓十二有箇人同倚

小重山

汪龍溪

月下潮生紅蓼汀殘霞都斂盡四山青柳梢風急墮流螢隨波去點點  
亂寒星  
別語記丁寧如今能間隔幾長亭夜來秋氣入銀屏梧桐雨

還恨不同聽

水調歌頭鳴夷子

朱文公

富貴有餘樂貧賤不堪憂誰知天路幽險倚伏互相酬請看東門黃犬



更聽華亭清淚千古恨難收何似鷓鴣夷子散髮弄扁舟  
鷓鴣夷子成霸業有餘謀收身千乘卿相歸把釣魚釣春書五湖煙浪秋夜一天雲月  
此外儘悠悠求棄人間事吾道付滄洲

醉江月和梅辭韻

朱文公

臨風一笑問羣芳誰是真香純白獨立無朋算只有姑射山頭仙客絕  
艷誰憐貞心自保邊與塵緣隔天然殊勝不關風露冰雪應笑俗李  
粗桃無言翻引得狂蜂輕蝶爭似黃昏閒弄影清淺一溪霜月畫角吹  
殘瑤臺夢斷直下成休歇綠陰青子莫教容易披折

滿庭芳

吳文肅公

宿雨滋蘭擊風颭柳新來隨處和融幽蘭曲徑花氣巧相通燕子纏飛  
又語帶芹泥時點芳叢微中酒日長睡起心事在眉峯年年春好處  
聯鑣蕩槳拾翠按紅任金貂醉脫不放金空誰信風流一別當時事已  
逐飛鴻雲山曉闌干罷倚煙寺起疎鐘

浣溪沙

吳文肅公

暖日和風並馬蹄畦秧隴麥綠新齊人家桑柘午陰迷  
山色解隨春意遠殘陽還傍遠山低晚風歸路杜鵑啼

又題餘干傳舍

吳文肅公

畫橋朱閣繞碧山平湖倚徙水雲寬人家楊柳帶汀灣  
目力已隨飛鳥盡機心還共白鷗閒蕭蕭微雨晚來寒

又登鎮遠樓

吳文肅公

日孤城特地紅瘦藤扶我上西風三川平遠畫圖中  
江海一身真不燕雲天萬里看歸鴻吳山應在白雲東

點絳脣

方堂溪

七里灘邊江光漠漠山如戟漁舟一葉徑入寒煙碧  
笑我塵勞羞對雙臺石身如織年年行役魚鳥渾相識

滿江紅

方堂溪

同前



跳出紅塵都不顧是非榮辱垂釣處月明風細水清山綠七里灘頭  
落盡長山龍口潮回速問有誰特地上鉤來劉文叔 貂蟬貴無人續  
金帶重難拘束這白麻黃紙豈曾經目昨夜客星侵帝座且容伸脚加  
君腹問高風今古有誰同先生獨

乳燕飛 寄劉闕風

汪柳塘

曉趁西湖約到湖頭煙消日出波生雨脚自擊白魚橋碧酒要與詩人  
共酌把樓上朱簾搭却坐對荷花三萬朵念西隣未嫁肌如削待折與  
不堪著 別來又見秋蕭索恨無由將予風月伴君雲鶴想見登山臨水  
處醉把茱萸釀磚唱白雪陽春新作憶自東籬人去後算人間黃菊空  
零落嘆作者多命薄

滿江紅 謝孟使君

汪柳塘

荆楚歲時念自古各臨風俗休更道桓家車騎謝家絲竹不覺吹將頭  
上帽可來共采籬邊菊嘆如今重九有何人相追逐 窮處士枯如木

賢太守温如玉遣厨人餽酒廩人餽粟欲寄唐虞無限意離騷都是相  
思曲奈兩三寒蝶尚于飛秋光促

沁園春 自題方壺

汪柳塘

春至傷春秋至悲秋誰在華胥嘆謫仙才氣飛揚跋扈淵明何事慷慨  
歎歎自我少年如今晚景行半人間真有餘都休問且一觴一詠吾愛  
吾廬 南臯境界何如舍明月清風誰與居望蓬山路杳萬株翠檜方  
虛門掩四面紅蕖中有佳人綽如姑射一炷清香滿太虛塵寰外任鳴  
鑿報客飛鶴傳書程端明序曰叔淵思遠未易遠之奇與出天

瑣窗寒 有感

程傳之

雨洗紅塵雲迷翠麓小車難去淒涼感慨未有今年春暮想曲江水邊  
麗人影沉香歇誰為主但兔葵燕麥風前搖蕩徑花成土 空被多情  
苦慶會難逢少年幾許紛紛沸鼎負了青陽凡五待何時重享太平典  
衣貴酒相示汝算蘭亭有此歡娛又却悲今古



念奴嬌

王雙溪

小粧朱檻護秋英，千點金鈿如簇。黃葉白蘋，朝露冷，只有孤芳幽蘊。垂髮蒼頭，宦情羈思，來伴花幽獨。巡簷無語，清愁何處，空釀酒。淵明東籬雅意，千載無人續。身在花邊，須一醉，小覆盃中醽醁。過了重陽，檢枝嗅藥，休嘆年華速。明年春到，陳根更有新綠。

浪淘沙

王雙溪

月色十分圓，風露娟娟。木犀香裏憑欄干。河漢橫斜天似水，玉鑑光寒。草草具盃盤，相對蒼顏。素娥莫惜少留連。秋氣平分蟾兔滿，動是經年。

南鄉子

王雙溪

雲淡日隴明，夕雨潺潺乍得晴。社近東臯農務急，催耕，又見菖蒲出水青。池面縠紋平，掠水迎風燕羽輕。試出訪尋春色看，相迎，巧笑花枝似有情。

水調歌頭

汪康範

田舍壺頭語，便如何學得三變美。成家數村酒，三盃狂興發，投劍偶然起舞。只麼也迎寒送暑，待草萬言書上闕。似髮端倚柱，東隣女，卿相事未易詳。漁歌且和芙蓉渚，又何須浮辭蝶語。詞風詆雨，勸人生且隨分，一毫莫取。那富貴由天付與，身蹈危機猶不覺。如布衣自在，都無想空傳得雪千縷。

蝶戀花

汪康範

午夜涼生風不住，河漢無聲，時見疎星度。佳客伴君知未去，對牀只欠蕭蕭雨。素月四更山外吐，金鴨慵添，銷盡沉煙縷。料想玉樓人念處，歸舟日望荷花浦。

滿江紅

程端明

黃鶴樓前江百尺，波橫光溢。問老子當年高興，何人知得。最愛洞庭天際，祭水分明表裏。玻璃色，恐今宵未必似前番。天應惜，都莫問鴻鍾勸。



也休羨靈天謫憶故人霜下亂灘橫笛便好騎鯨遊汗漫古來蟾影何  
曾沒更明年重約再來時乘槎客

水調歌頭

登甘露寺多景樓望淮有感

程端明

天地本無際南北更誰分樓前多景中原一恨杳難論却似長江萬里  
忽有孤山兩點點破水晶盆為借鞭霆力驅去附崑崙望淮陰兵治  
處巖然存看來天意止欠士稚與劉琨三樹當時頑石喚醒隆中一老  
細與酌芳尊孟夏正須雨一洗北塵昏

錦堂春

留春

程端明

最是元來苦無風雨只恁匆匆歸去看遊絲都不恨恨秦淮新漲向人  
東注醉裏仙人惜春曾賦却不解留春只問何人留得住怕小山  
更有碧蕪春句

浣溪沙

通閣學餉蟪蛄蜂酒香螺

方秋崖

半殼含潮帶露香雙螯嚼雪迸膾黃蘆花洲渚夜來霜短棹秋江清

到底長頭春甕醉為鄉風流不在與詩嘗

齊天樂

和楚客賦蘆

方秋崖

孤蓬夜傍低叢宿蕭蕭雨聲悲切一岸霜痕半江煙色愁到沙頭枯葉  
淡雲沒滅黯西風吹老蒲汀新雪天豈無情離騷點點送歸客歸去  
來兮怎得儘露翹鷗倚乍寒時節秋晚山川夕陽浦淅瀝得別腸千結  
濤翻浪疊那得似西來一筇橫絕搔首江南鴈銜千里月

賀新郎

戊申自壽

方秋崖

一笑君知否笑當年山陰道士行歌樵叟五十到頭公老矣只可鷺朋  
鷗友便富貴何如盃酒好去歸來蒼崖底想月明不負攜筇手誰共酌  
剪霜韭乾坤許大山河舊幾多人劍倚西風筆驚南斗俛仰之間成  
陳跡亡是子虛烏有渺煙草不堪回首隔塢菜亭開野徑儘一筇兩屐  
山前後春且為催花柳

風流子

和楚客維揚燈夕

方秋崖



小樓簾不捲花正開燈火競元宵想舊日何郎飛金叵羅三生杜牧醉  
董嬌嬈香壁路雲鬆鸞髻鬢月襯馬蹄騎彷彿神仙劉安雞犬分明富  
貴子晉笙簫人生行樂爾君不見迷樓春綠迢迢二十四經行處舊  
月今橋但索笑梅花酒消新雪縱情詩草筆捲春潮俯仰人間陳跡莫  
惜金貂

一剪梅 客中新雪

方秋崖

誰剪輕瓊做物華春遠天涯水遠天涯園林曉樹恁橫斜道是梅花不  
是梅花宿鷺聯拳倚斷槎昨夜寒些今夜寒些孤舟蓑笠釣煙沙待  
不思家怎不思家

鵲橋仙 辛丑生日小盡月

方秋崖

今朝廿九明朝初一怎欠秋崖箇生日客中情緒老天知道這月不滿  
三十春盤縷翠春缸搖碧便泥做梅花消息雪邊試問是非笑公  
夕不知何夕

沁園春 賦子規

方秋崖

儘爲春秋儘勸春歸直恁恨深况雨急黃昏寒欺客路月明夜半人夢  
家林店舍無煙楚鄉寒食一片花飛那可禁空疑竹黯紅蕩翠老江樹  
陰陰汀洲杜若誰尋想朝鷓鴣怨兮猿夜吟其連天芳草更迷離恨拂  
簾香絮縈亂深心故亦知乎吾今倦矣甕有餘春可共斟歸來也問淵  
明而後誰是知音

摸魚兒

孫楚望

八憲空展竟秋影長江流入尊俎天圍紺碧低垂岫斜日落鴻堪數沉  
別浦更日斷煙蕪蒼莽連平楚長鐘暮鼓算觸景多愁關人底事倚檻  
聽鳴櫓英雄恨留得名存北廟寄奴今寄何所西風依舊朝來往山  
海頡頏吞吐霜月冷直隨人燕我瑤芝圃秋舞起舞看猿伏蒼苔龍吟  
翠葆天籟奏韶舞

滿江紅 春雨

汪紫巖

...



檢點春光陰雨過三分之一從頭數元宵燈夕都無晴日不礙郊原肥  
草綠但漫立空瓦雲黑那東君恁煞沒網維春無力 燕忙甚泥渾濕  
蜂愁甚脾無蜜更兩句又是梨花寒食焉否殷桃吾不較豈堪漫爛連  
疇麥望前村白鷺觀霞紅採晴色

踏歌行 清明前兩日聞燕

汪紫巖

年去年來來去草怪底不來庭院春光老知過誰家翻別調家家望斷  
飛蹤音 千里蕭湘煙渺渺不記雕梁舊日恩多少近清明簷外叫  
故巢猶在朱簷曉

醉江月 題烏江劉羽飛

汪紫巖

白蛇宵斷承鹿人交杯曾角羣起赤幟雄張軍縞素龍種天生大器堪  
鄙猴冠自為狼籍楚帳多塵壘膽寒城下一鞭東竄休矣 亭長空蟻  
扁舟范增羣童盡塗脂流髓望斷秦關無限恨羞面江東山水購首千  
金若為名利黠黠斜陽裏石壘灰冷美人冤落煙翠

南鄉子 初入都門漫賦

汪杏山

西北有神州曾倚斜陽江上樓目斷淮南山一抹何由載淚東風灑汗  
流 何事却在遊直駕驢車渡白溝自古幽燕為絕塞休愁未是窮荒  
天盡頭

摸魚兒 過東平有感

汪杏山

憶舊時東方郡東原儘是佳處梁都破了尋南渡幾遍狐號鱉舞君試  
覷環一林荒城草色今如許芳華舊地曾一上飛雲歌臺酒館落日亂  
鴉度 吟情苦滴盡英雄老淚淒酸非是兒女西湖似我西湖否只怕  
不如西子秋欲暮要一看秋波又自催歸去休休浪語待過江說與高  
車駟馬今是朝天路

摸魚兒

湖南憲使承郡盧公為子題

程文憲公

問疎齋湘中朱鳳何如江上鸚鵡波寒木落人千里客裏與誰同住茅  
屋輝吾自愛吾亭更愛參天樹芳君為賦渺雪鴈南飛雲濤東下歲晏



欲何處 疎齋老意氣經文緯武平生握手相許江南江北尋芳路共  
看碧雲來去黃鵠舉記我渡秦淮君正臨清句歌聲緩與伯徑竹能醒  
庭花起舞驚散夜來雨

情觀

程文憲公

十載京華騎馬馳難自憐閱疎看春風葵麥敷舒如此故園桃李憔悴  
知歟要乞閒身聊追故步雪艇煙蓑一釣夫君恩重却許令便養欲去  
躊躇 竹西準擬寧居詠不到娉娉孀孀餘又橋邊巷口燕尋舊壘天  
東海角月上新衢戶素有漸澄清無補豈不懷歸思簡書堪時用得卿  
如卿法吾自吾廬

滿江紅

胡雲峯

一畫先天誰知得已涵玄九這易玄機括了雲傳授杜宇一聲春欲曉  
雅丹幾采晴窗書問堯夫數字本何來俱參透 心宵裏羅星宿心畫

上占文繇看肆中簾捲門前車轆易年分明書日月口天真是談天口  
豈大玄而後遂無玄如今又

踏莎行

汪以質

踏雪橋邊訪梅溪曲春風初破梢頭玉村村茅屋晚炊煙更尋竹酒穿  
茅屋 兔月初眉瑤峯眩目磬節振屐鳴空谷夜深不謂故人來聲聲  
誤道風敲竹

醉江月

汪以質

登臨遐眺嘆當年一夜朔風狼籍石塔鎮南人共怒怒氣上轟霹靂廢  
苑荒涼粉牆頽圯萬事空陳跡闕庭何在鐘聲敲斷岑寂 聞道十里  
西湖荷花香裏歌舞成悲戚湖上有山山有恨應恨舊京乘隔秦老和  
戎賈生罔上後世見之方策興亡回首 煙衰草凝碧

江神子

汪以質

停橈嚴瀨畫橋邊水洳洳鷺翩翩午熟追涼竹徑強留連無奈日斜



欲喚吹短笛嘯新蟬 家山只在木窮源  
隔雲天際牽願得甘霖三日  
趨歸船惟有紫陽溪上月  
隨着長伴愁眠

長相思 秋夜

汪以質

海蟾升砌蛩鳴別院  
院外風聲漸與細聽  
竹風生桂香清問  
小山來未曾還應尋舊盟

蝶戀花 送春

汪以質

蝶懶鶯慵芳草歇  
綠暗紅稀柳絮飄  
晴雪有意送春還  
惜別杜鵑爭奈  
催歸切 繡閣無人  
簾半揭  
暗憶邊城十載音書絕  
惟有東風無異說  
年年來赴梅花月

蘇武慢 遣懷

范緝齋

萬里征途 鞭行色  
覽盡江山佳致  
梁苑風光灞橋雪景  
總是壯遊之地  
旅食京華觀光上國  
浩有凌雲豪氣  
正翱翔附鳳攀龍  
誰料中原騷起  
猶且自馬驟西秦  
帆飛東海  
憑逐五湖歸計  
江上觀朝天邊望日

驚見吳山蒼翠雲飛已遠  
鳥倦知還  
斷送平生愁緒  
喜歸來誰是相知  
風月滿天無際  
汪容華與人書云耕隱翁寫懷蘇武慢最佳者其維  
之氣勃勃不可遏如懸蛟出水瀟灑澎湃自是肺腑中  
流出故

浣溪沙 官友夜至

唐伯和

西塞山明碧似苔  
圻湖浪捲雪成堆  
茅山靜日共徘徊  
獨上戍樓窮  
望眼白雲收處  
片帆開  
月明知是故人來

風入松 賀洪克毅中鄉試

余存脩

尊翁善政著甘棠  
令子又穿楊  
萬里青雲聊試步  
韜頭角蚤已軒昂  
家學淵源有自明  
時麟鳳非常  
蟾宮折得桂花香  
一舉姓名揚捷音  
預報親喜功名願  
此日初償聞道杏園春  
好行看取狀元郎

醉蓬萊 自述

蘇景元

蓬蒿生何事  
酷愛吟詩  
有甚滋味  
殘燈破硯兀兀窮年  
歲掃地焚香擁  
金閉戶總是平生志  
擊壤之謠南風之詠恬然心醉  
想着古來幾多







